

東
華
續
錄

東華續錄

光緒一百十八

臣朱壽朋敬編

臣章圭琛恭校

二月戊申朔諭芬車奏特參值班司鎗長等一摺禁城重地禁嚴肅乃本月初一日景運門外竟有施放爆竹聲該班官兵未能即時弋獲咎實難辭所有是日景運門值班之行鎗長英秀御箭亭值班之鎗黃旗護軍校德立左翼門值班之正藍旗空銜花翎護軍校祥善均著交部嚴加議處護軍統領芬車著交部議處餘依議嗣後著責成前鋒統領護軍統領嚴申門禁督飭值班官兵等於所管地面認真稽察倘再仍前疎懈定行嚴懲不貸○己酉劉坤一等奏請將蘇州等屬冬漕分別本折酌定徵價收納允之○辛亥以崑岡爲會典館副總裁○安維嶼奏竊維翰苑爲儲才之地今日之編檢他日藩臬督撫出其中卿相公孤亦出其中居是職者宜如何砥礪廉隅講求經濟備朝廷任使之用乃近日陝西考官丁惟禔一案牽涉內監據眾供均有謀放考官等語傳之四方羣以爲羞將垂之國史永以爲戒是其有玷清職實大員朝廷養士之恩言之可爲太息惟是街談巷議如丁惟禔其人者指不勝屈但事無實據未便以傳聞之詞遽行參奏且盡人而効之恐又非政體所宜伏思此等事何不聞有於祖宗之

朝豈人才升降今昔大有不同哉竇緣昔年館選人數甚少授職後不數年卽轉坊階否則亦擢外任至
考差則十得六七故人爭自濯磨從無敢以他途倖進者近來館選人數倍多又丙子庚寅兩遇恩
科會試留館職者愈形擁擠試差既不能徧及館差又不能均充內升外放遙遙無期身家之計迫則苟
且之情生功名之心熱則倖進之念起始而黃緣繼而打點招搖撞騙之徒由此來矣夫上智少而中材
多大半介在可清可濁之間一不自持卽身敗名裂臣竊以爲士大夫之廉恥恃朝廷晉養而保全之
與其巖懋於獲咎之後何如慎選於登進之初譬之醫家療疾急則治其標緩則治其本巖懋於獲咎之
後治其標者也慎選於登進之初治其本者也治其本則保全者大矣本年恭逢 皇太后六旬萬壽
慶榜宏開觀光者衆館選人數 聖心自有權衡非臣下所敢妄參宗議若正科館選似宜酌減人數俾
後來漸次疎通爲編檢者知選擇有日各自愛惜名節將清貴之途不至轉爲濁濫高潔之品不致沈於
卑汚在 皇上慎重名器卽以澄敘官方而激勵人才之道亦行乎其間矣臣忝任言職且曾官翰林有
所知而不言是爲瀆職有所避而不言是爲徇私敢竭管見之愚爲正本清源之計 上諭御史安維峻
奏編檢擁擠太甚請慎重館選一摺所奏不爲無見翰林爲清華之選必應選拔真才每科會試後覆試
殿試期考及庶吉士散館朕於閱卷大臣列在前列者酌量錄用乃近來閱卷擬取前列等第逐漸加多

殊非慎重選擇之道嗣後殿廷各考試該閱卷大臣務當秉公校閱詳慎擬取如有文字平常及疵累之卷均不得濫置前列以杜倖進○安維峻奏聞五城御史遇有訟案兩造未集卽有人代爲兩託竊思事有是非理有曲直全在聽訟者秉公訊斷方有以折服兩造之心乃一經有力者函託往往瞻徇情面不得徑行其志縱不至顛倒是非變易曲直但使意存調停卽多含糊敷衍之處欲求朋允難矣惟是兩託之風相沿已久或且視爲固然而無足怪應請 旨飭下五城御史破除情面遇有函託之人如係大小職官卽指明揭參或係富商大賈卽飭拿懲辦庶幾聽訟之際公是公非曲直得以立判倘該御史扶同徇隱別經發覺卽交部議處 上諭御史安維峻奏五城遇有訟案往往兩造未集卽有人函託巡城御史以致意存調停率多含糊敷衍請飭嚴禁等語民間詞訟全在承審官秉公剖決方足折服其心若如所奏曲直未辨請託先行何以別是非而昭明允嗣後五城御史務當破除情面遇有函託之人卽著分別參辦倘該御史扶同徇隱別經發覺定行從嚴懲處不貸諒之○王子劉坤一奏遵 旨籌勸淮南捐輸濟賑銀三十萬兩分三限繳完報聞○癸丑諭此次京察一等圈出人員著各該堂官再行出具切實考語交吏部帶領引見圈出之滿漢蒙古中書筆帖式等官著歸入理事同知通判內遇有缺出與補記名人員一體帶領引見漢軍人員著交部以撫民同知通判等官分別選用起居注主事聯盛太常寺寺

永祥厚唐古武學司業承慶順天府治中蔡壽臻通政使司經歷有恆太常寺贊禮郎柯壽讀祝官貴昌
崇國國子監助教松廷鳴燧寺鳴贊覺羅寬裕侍衛處署主事扎拉罕鑾儀衛鳴贊經官棚震欽天監選
登郎郭世鍾俱著交部照例以應升之缺升用其內閣侍讀奎華等二百八十八員俱著准其一等加一
級○甘肅提督周達武卒予祭葬建祠事蹟交國史館立傳○甲寅諭吏部奏遵議內務府當司各官處
分一摺舒明朕捐之案福錕等查覆疏漏雖據自行檢舉具奏已與福錕容貴崇光立山巴克坦布應得
降一級留任處分著不准抵銷該大臣等應得繕摺錯誤之罰俸五箇月處分及郎中世續員外郎榮廷
祥福罰俸三箇月處分均不准其抵銷率行出具圖結之正白旗漢軍管領鍾古著照部議降一級留任
不准抵銷○諭前經傳諭禮部於本月初九日在保和殿覆試順天新中舉人周學熙等三名所有是日
派出監試王大臣等著認真稽查該舉人等如有懷挾等弊立即懲辦嗣後殿廷各考試均著監試王大
臣等輪班巡視嚴查一切弊端不得稍涉寬縱並著懷選不准繼續定例倘有爲時已晚交卷者卽著扶
出應試之人當思功令森嚴咸知自愛毋得身罹法網用副朝廷甄拔士習選取真才至意○以李培榮
爲甘肅提督○乙卯以田在田爲甘肅肅州鎮總兵○丙辰吏部奏光緒十九年十月二十九日軍機大
臣面奉 諭旨鴻臚寺卿劉恩溥奏永定河合龍保案投効人員嗣後不准優獎等語著吏部議奏欽此

原奏內稱永定河合龍保案嘉慶道光年間每次不過一二十員乃近來幾保至三百員前曾聞有以河工員弁希冀決口得保爲言者臣今于役黃村距該工甚近細加察訪始知所言尙屬隔膜蓋失事之員弁合龍不過開復處分焉能再邀保獎至實缺者保以陞階大率離任作爲候補轉將所有進項化爲烏有若其次出力之員弁亦僅保以虛銜翎頂者更屬無可再保是以均無希冀決口之心凡希冀合龍得保者則皆係候補候選暨他案降調革職之人員耳聞各該員並不到工亦有到工一次卽歸專俟合龍後營求優獎殊於吏治所關非淺夫糜費數十萬之銀錢徒爲此等人員開一捷徑似非實事求是之道可否飭下吏部嗣後遇有永定河合龍保案除各汛出力人員仍准優獎外其餘投効人員概不准保免補免選及開復等字樣等因欽遵交出到部臣等查奏定章程內開河工防汛及搶險合龍均照尋常勞績核辦等語從前永定河漫口合龍請獎之案均照定章辦理光緒十六十八兩年漫口合龍經直隸總督援引光緒九年山東承辦要工成案請照異常勞績給獎奉旨允准臣部遵照諭旨辦理並非著爲常例今鴻臚寺卿劉恩溥奏稱永定河合龍保案多至二三百員候補候選及他案降革人員營求優獎於吏治所關非淺嗣後投効人員概不准保免補免選及開復字樣等因自係爲嚴杜冒濫起見查永定河防汛情形本非山東河工可比地段遠近亦有不同近來旋堵旋決歲以爲常大率水漲則決

水涸則合所有搶護堵築各工實與歲修工程無異現任河屬各員是其專責額設試用人員例得差委兼以本省地方各官已足以備任使卽光緒九年山東河工成案官紳並用事竣後准照吳常勞續核獎亦係專爲創辦要工而前會議摺內曾經聲明別項工程不得援照辦理若以尋常漫口合龍各工輒請援案優獎又復將候補候選者列保多員殊不足以昭核實臣等悉心核議擬請嗣後永定河保案除興辦大工不在尋常漫口合龍歲修各工之列者應由該督奏明請旨辦理外至常年伏秋防汛漫口合龍歲修各工仍照尋常勞績給獎他省候補及候選人員均不准投効列保其請獎員數從前每案不過三四十員近年多至一百數十員今臣等酌中釐定嗣後每案至多不得過五十員以示限制如請獎有逾此次定額卽將名次在後之員撤銷在工人員應遵照定章於興工以前造具名冊咨部立案不得於工程告竣之時始行咨部至原奏所稱投効人員不准保奏開復一節查永定河工尋常合龍獎案均係該屬汛各官開復本案原案處分其私郭降革投効人員臣部查無議准開復原官之案今他省候補候選人員既一概不准投効列保所有另案降革人員自應一併不准投効保奏開復以杜冒濫上諭吏部奏遵議鴻臚寺卿劉恩河奏永定河合龍保案請示限制一摺永定河工向年保案吏部均照尋常勞績核獎乃近年以來永定河合龍請獎之案輒比照異常勞績且人數多至百數十員殊不足以昭核實

嗣後永定河保案除興辦大工不在尋常漫口合龍歲修各工之列者准由該督奏明請旨辦理外其常年防汛漫口合龍等工仍照尋常勞績保獎每案人數至多不得逾五十員以杜冒濫至搶護堵築各工本與歲修無異該省地方印委各員儘數差遣所有他省候補候選及另案降革人員均不准其報効餘著照所議辦理○丁巳諭前因西華門內有民人鄭達元闖入叩關當經諭令該管大臣等認真稽察不准稍有疏懈乃降旨未久本日又有已革都司宋文剛一名膽敢在乾清門外叩關據供係由神武門隆宗門混入禁地森嚴竟任令該犯行走自如毫無覺察該班官員兵丁等形同魯贖殊堪痛恨所有本日值班前鋒護軍統領及神武門隆宗門該班章京均著摘去頂戴查取職名交部嚴加議處左右翼總兵傅蔭長麟帶約尼鎰大臣載澤容貴均著交部議處嗣後該管大臣及章京等務當嚴森門禁實力稽察不得再有疏懈值班兵丁不准曠誤缺額其應差之蘇拉人等出入亦應隨時查驗腰牌嚴行約束此外聞人一概不准攔入倘漫不經心仍前玩忽該管大臣等自問能當此重咎否耶○戊午祭社稷壇上親詣行禮○福潤奏濟南府屬之齊東縣三面臨河形如釜底每遇伏秋汛漲水軌溜入城內城垣大半坍塌壇廟亦多傾圯衙署民房十坍八九雖連年修築護堤藉資捍衛無如過流太近一經洶刷仍復奇險環生勞費幾同虛擲體察情形非另行擇地改建城垣不可前經奴才飭委查勘並與司道及地

方官紳再三計議茲據布政使湯聘珍會同服務局司道詳稱查得該縣境內距城三十里之九鳳鎮地處高原未經黃水可圖改建而修築縣城建造壇廟衙署需費不貲惟有因陋就簡將該處土圩培厚加高並於四面量加展拓作為土城應修各工即以該城內之料物拆卸應用不敷者量為添置但求規模粗具崇樓黜華撙節估計共需銀二萬兩該縣連年災歉滿目瘡痍招集災民以工代賑洵屬一舉兩得至該城居民已多給資遷徙其未遷者大率倚河干埕為生如以後願居新城仍照章給予遷費不願者聽其自便惟河干既有埕頭商民交易自應設一分防之員以資彈壓該縣城汛外委未便分駐又無額設縣丞查得府屬之齊河縣縣丞政務較簡堪以改為齊東縣分防縣丞一切俸廉役食原有額編可量毋庸另議俟准部復再行頒發給記飭令移駐等情詳請具奏前來奴才查該司道所擬辦法均甚妥協需費尤為節省已飭在於四成賑捐內籌撥銀兩委員候補知州馮德華會同齊東縣知縣趁此春融趕緊興工移建務於伏汛以前告竣至移駐分防縣丞事關官制應請 旨勅部核覆遵辦下部議奏○駐美欽差大臣楊儒興美外部大臣葛禮山續定華工條約六款成其文曰 大清國光緒六年十月十五日大美國一千八百八十年十一月十七號續定條約曾限制華工赴美嗣因華工在美國境內迭遭苛虐慮損邦交中國政府欲自禁華工出境來至美國茲兩國政府願合力辦理禁止來美華工並多方顧

全邦交互立約款彼此加意保護此國境內之彼國人民是以 大清國 大皇帝特簡欽差出使美國
全權大臣太常寺少卿楊大美國大總理聯天德特簡外部全權大臣蔣禮山各將所奉議約之據公同
校閱明白現將會訂條款開列於左 第一款 茲彼此議定以此約批准互換之日起計限十年為期
除以下約款所載外禁止華工前往美國 第二款 寓美華工或有父母正妻兒女或有產業值銀一
千元或有經手賬目一千元未清而欲自美回華由華回美者不入第一款限禁之例但華工於未離美
境之前須先在離境口岸詳細列名下各屬產業賬目各情報明該處稅務司以便回美之據該稅務
司須遵現時之例或自後所定之例發給該華工按此約章應得回美執照但所立之例不得與此約款
相悖倘查出所報各情屬偽則該執照所准回美之權利盡失又例准回美之權利限以一年為期
以離美之日起計倘因疾病或別有要事不能在限期內回美則可再展一年之期但該華工須將緣由
稟報離境口岸中國領事官給與憑批作為妥據以期取信於該華工登岸處之稅務司該華工如不在
稅關呈驗回美執照無論其由陸路水路回美均不准入境 第三款 此約所定限制章程專為華工
而設不與官員傳教學習貿易游歷諸華人等現時享受來寓美國利益有所妨礙此項華人倘欲自行
申明例准來美之利益可將中國官員或出口處他國官員所給執照並經出口處美國公使或領事官

簽名者呈驗作爲以上所敘例准來美之據茲又議允華工來往他國仍准假道美境惟須遵守美國政
府隨時酌定章程以杜弊端 第四款 查光緒六年十月十五日即一千八百八十年十一月十七號
中美在北京所立華人來美續約第三款本已敘明茲復會訂在美華工或別項華人無論常居或暫居
爲保護其生命財產起見除不准入美國籍外其餘應得盡享美國律例所准之利益與待各國人最優
者一體相待無異茲美國政府仍允按照續約第三款所訂盡用極力保護在美華人生命財產 第五
款 美國政府爲加意保護華工起見一千八百九十二年五月五號美國議院定例一千八百九十三年
十一月三號此例又經修改凡在定例以前所有美國境內一切例准往美之華工均須照例註冊中
國政府現應美國辦理美國政府亦應聽中國政府定立相類條例凡一切美國粗細工人商人亦如議院定例不計
寓居中國無論是否在通商口岸均令註冊概不收費又美國政府允准俟此約批准互換之日起於十
二箇月內將寓居中國無論是否在通商口岸一切他項美國人民包括教士在內之姓名年歲行業居址造冊
報送中國政府以後每歲冊報一次惟美國公使人員或一切奉公官員在中國駐紮或游歷及其隨從
僱用人等不入此款 第六款 此約彼此互須遵守以十年爲期敬候 大清國 大皇帝大美國大
伯里璽天德批准互換之日起計至限期屆滿倘於六箇月前彼此並不將停止限禁之意行文知照則

限禁再展十年爲期○己未祭 文昌帝君廟 上親詣行禮○以良弼溥顧長萃溥晉爲內閣學士○
庚申以楊澤典爲廣東瓊州鎮總兵○辛酉朝 日於東郊○壬戌命奕謨致祭 惠陵○劉坤一奏保
道員李經楚陞元品阮祖棠張慶勛懇請量才錄用得 旨李經楚等均著交吏部帶領引見○癸亥諭
德生奏瀝陳關稅情形一摺該關稅務因循盤剝弊端本該監督應辦之事德生到任未久距期滿爲日
方長儘可隨時整頓何得以積弊太深非竟以歲時不能剷除淨盡及至年餘情形熟悉而瓜代有助等
詞率行陳奏顯係意存取巧微爲留差地步德生著傳旨嚴飭至所請飭辦捷早爲交代造冊報部之處
卽著聯捷迅速辦理以清欸目○衍聖公孔令貽奏請入京祝 嘏允之○甲子兩○諭軍機大臣等巡
視北城御史恩溥奏京營捕務不嚴請編查保甲一摺據稱順天上年被災饑民來京就食良莠不齊兼
之匪徒引誘爲非以致京城內外疊有搶劫之案現在賑務未竣文武鄉會試人等次第來京人數衆多
稽查難周保甲團防亟應一體舉辦等語京城地面理宜嚴肅本年來京人數衆多尤當先事防範應如
何編查保甲盤詰奸宄緝捕彈壓各事宜著步軍統領衙門順天府五城御史妥議章程具奏該御史所
稱簡派大員辦理團防之處著毋庸議原摺均著鈔給閱看將此各諭令知之○李鴻章奏請 欽派大
臣出海會校北洋合操情形得 旨現屆校閱海軍之期著派李鴻章定安認真會校○乙丑祭 關聖

帝君廟 上親詣行禮○諭軍機大臣等總理衙門奏現辦帕米爾界務情形一摺著許景澄按照該衙門節次電商辦法與俄外部相機辦理自耶庫至阿克塔什一帶爲邊防扼要之地務當切實辯論俾就範圍妥籌擬結一俟釐有端緒卽電致該衙門奏明請有遵行○王文韶等奏上年三月普安縣逆匪劉燕飛糾約回逆徐老四等聚眾謀叛攻城戕官等情於四月十三日具奏奉 硃批卽著嚴拿劉燕飛等務獲懲辦並將餘匪搜捕淨盡毋任漏網欽此當經 臣等督派各該文武營練分路剿辦旋即一律肅清復經安義鎮 臣蔣宗漢派員在普安縣屬冬瓜坡地方將劉燕飛譚遇金孫在亭三犯拿獲解省訊明照例將該犯等凌遲處死於五月二十六日奏報在案惟要逆徐老四先期逃匿未獲 臣等深以爲慮茲據蔣鎮咨報訪查徐老四潛逃廣西復赴雲南先經札派都司董繼平守備馬瀛城把總蔣秀和等並帶同曉事回民緝捕在臨安府屬始得該逆蹤跡密邀雲南團首廩生李文溶等於龍潭河地方將徐老四擒獲解回臨都會同該府石廷棟訊明隨同劉燕飛糾眾攻城戕官各情供認不諱擬弁於十二月十八日押解來省當卽督同司道擬訊供情相符恭請 王命將該犯綁赴市曹凌遲處死傳首犯事地方懸竿示衆以彰 天討而快人心 臣等查徐老四係普安縣回民同治十一年間回匪擾亂興義府等處肅清後已受招撫反側在逃之犯此次劉燕飛倡亂封徐老四爲僞元帥爲之主謀追被兵練擊敗該逆見賊

勢潰散卽先期逃竄潛赴廣西復到雲南尙冀死灰復燃該逆黨與共衆號召聞亡一呼卽至勢頗悍桀
復查前隨劉燕飛各匪如譚過金孫在亭已被擒伏誅其餘譚成林龍丁頭等亦經各該地方官先後拿
獲稟明正法惟徐老四狡黠漏網該逆包藏禍心到處煽惑一日不除終爲地方隱患等因奉飭將鎮
及義興府務懸重賞購覓回教人爲眼線不動聲色分路緝緝期在必獲今幸仰仗 天威將升用命回
民歸心竟將該匪弋獲懲辦以除滇黔遺害查安義將鎮會同地方官辦理此事始終不懈雖據稱不敢
再邀議敘實不愧除暴安良所有在事人員亦均有微勞可否仰懇 天恩將安義鎮總兵蔣宗漢等量
予嘉獎得 旨覽奏已悉蔣宗漢著傳旨嘉獎餘著該部議奏○內寅戴恩溥奏考績之興始於虞書
朝廷師其意以甄別黜陟每屆三年舉行京察大計一次其各部院保列一等人員於引 見記名後候
旨簡放升轉自無擁滯惟各省保薦卓異人員向准在任候升而升轉者寥寥無多查近來明保人員
於引 見錄用後到省遇缺卽補班次極優至若卓異之薦舉必先考覈政績又須接循資格不合者不
得濫邀較明保一事尤見其難而升擢之途轉不及明保班次況同一考績也京察者 簡用常邀卓異
者升遷雖望內外相較未免向隅查定例凡列卓異者遇有應升之缺先儘敘補不得聲敘人地不宜章
程本極允協近因各省明保太多見缺卽補又有各項人員待補升途日見其隘故卓異人員雖有候升

之名並無推升之實似不足以示鼓勵可否請 旨飭下部臣稍爲變通凡道府保卓異者予以存記
簡用以示優渥其州縣卓異人員遇有應升之缺或與明保班次相間輪用或在各項候補人員輪補內
相間插用一經釐定章程庶升途稍寬凡司民牧者皆可生其觀感勉爲循良而 國家考績大典亦可
收登明選公之效又奏查定例各省卓異人員必令隨時送部引 見原爲上邀 聖鑒藉以甄別人才
不任各疆臣惡意見爲拔取視大典若具文乃近來該員等每多援事遲遲竟有保卓異後遲至數年或
數十年尚未赴部引 見各疆臣聽其戀棧憚行不加嚴飭而人才賢否並未能一邀 聖鑒臣查卓異
章程久經部臣釐定並經御史張盛藻條陳令卓異人員於半年內一律請咨赴部至遲不得過一年之
限今既擬寬予升途如仍復逾限遲遲何以肅官方而警玩愒應一併請 旨飭下各省督撫於新舊卓
異暨俸深等項應行引 見未經赴部各員嚴飭按時領咨不准仍然延宕部臣亦須一律申明舊章循
例調取如該員等再任意延不領咨定即查參議處以杜取巧效尤之弊 上諭御史戴恩溥奏各省卓
異人員升途較隘請飭部量爲變通並將卓異人員中明舊章調取引見各摺片著吏部議奏○丁卯諭
軍機大臣等所有此次京察一等交軍機處記名各員著自本月二十五日起照名次先後每日兩員呈
遞牌於寅刻伺候召見如是日未經召見仍於次日預備過有出宮行禮拈香等日期應行預備召見

之員毋庸呈遞牌仍由次日預備其餘各員以次遞推其記名之內務府郎中文瑞等十四員著俟各部院衙門人員召見完竣後於次日起接續伺候召見○諭福錕等奏拿獲搶劫盜犯請交刑部審辦一摺所有此次拿獲之張三卽張幅受等犯卽著交刑部嚴刑審訊按律懲辦在逃之小道等仍著嚴飭按名弋獲毋任漏網獲犯出力之員弁等俟此案逃犯全數緝獲後再行聲明請獎近來京城地面盜案層見迭出捕務實屬廢弛嗣後遇有搶劫之案著步軍統領等嚴飭捕盜員役認真緝立時破獲不得稍涉疏懈任令違颺倘仍前玩泄卽著嚴參懲辦並著順天府五城御史一體嚴飭所屬將捕務實力整頓以除奸宄而靖地方○諭本年輪應查閱山東河南江蘇安徽江西五省營伍之期山東卽派福潤河南卽派裕寬江蘇卽派奎俊安徽卽派沈秉成江西卽派德馨認真查閱各省營伍關繫緊要國家養兵歲需鉅款原期一兵得一兵之用近來各省循例校閱輒視為具文以致武備漸形廢弛殊失朝廷整頓戎行之意茲特申諭各該撫務當認真校閱如有技藝生疏老弱充數及軍實不齊等情弊卽將該管將弁據實嚴參不得稍涉瞻徇○福錕等奏等奉 命查辦翰林院編修丁惟祺謀放考官一案將案內一千人證傳到案饒士騰先經告假回籍奏請解任解送來京併因案犯供有轉託太監之事請 旨將太監張秀林交出審辦等因奏明各在案嗣編修饒士騰到京銷假投遞親供後未及研訊在寓服毒身

死復經_臣等奏明併請將編修丁惟禔暫行革職歸案嚴訊正月二十九日奉 上諭福銀等奏續陳審訊要案情形一摺據稱編修饒士騰於呈遞親供後服毒自盡丁惟禔所供囑託關說各情與饒士騰親供大致略同惟於賄囑詳細情節尙復支離閃爍請將編修丁惟禔暫行革職嚴訊等語丁惟禔著暫行革職卽著福銀等督飭承審各員嚴行審訊務得確情據實具奏欽此_臣等遵卽督飭司員嚴行審訊查前據饒士騰供稱竊士騰與丁惟禔往來素密上年三月間丁惟禔在士騰寓會課言次說及現在考試不勝寫作可以必得因說及二酉堂書鋪係汝同鄉必然認識央託向二酉堂關說遲數日二酉堂掌櫃饒丹詔來寓將丁惟禔所談一節與伊提及饒丹詔云須用名條一紙旋會見丁惟禔云已著人送去取有回片後二酉堂送來票樣一紙書明四川主考丁寄存銀二千五百兩是二酉堂名字叫我送交丁惟禔我亦交過丁惟禔五月二十一日丁惟禔來寓約我同往城外探聽消息丁惟禔向懷中摸取銀票云已預備銀三千兩可以一看我云票何須看汝自收藏六月二十二日丁惟禔得差後饒丹詔率兩不識姓名人來我處要我代索謝銀丁惟禔始說與錢繼又翻悔等語今訊據丁惟禔供山東進士翰林院編修饒士騰係同年時常會課饒士騰說伊有本家書鋪能爲人謀辦試差我一時糊塗答應令其謀說後饒士騰回說已經託過二酉堂書鋪須謝銀五千兩我當時疑是饒士騰騙我婉言辭謝饒士騰答應往

辭旋卽回說我去辭謝二酉堂已將票樣送來係憑票取四川主考丁惟禔京平足銀五千兩字樣我聞言駭絕叫他速爲了結說如此鉅款豈能懸空在許我怒將票樣擲還饒士騰說此事祇怨我冒昧將爾姓名向二酉堂說知今既如此我卽行往辭此事係在未放四川考官之前過一二日之後饒士騰來說現在四川已放別人他們自係擅竊可以置之不理必無後患從此各散嗣革員放陝西考官饒士騰又向革員云從前之事已經辭謝了結他們太不講理於今二酉堂追向我索謝勢甚洶洶祇怨我從前不該管此閒事等語我當以前言詆責饒士騰愧悔而去以後並未再來至二酉堂等人始終並未見面更未言及太監姓名饒士騰與他們如何傳說我一概不知亦並無將三千兩銀票與饒士騰看過之事等語復將案內各要證詳加研鞫據饒丹詔供江西撫州府人係二酉堂書鋪掌櫃由監生考取會典館膳錄上年五月間我族兄編修饒士騰說給丁惟禔謀放四川考官我當應允隨向方小山轉託楊少舫找得太監張姓謀辦我回覆饒士騰他將丁惟禔科分名條交下找我交方小山送去方小山回說須銀五千兩帶回票樣叫我出票我將票樣交給饒士騰拿去看過我未與丁惟禔見面後同饒士騰說定我因未見著銀子不敢開出寄存銀票饒士騰說果然係四川考官自然有人付銀儘可放心五月十六日方小山在鋪楊少舫張太監等俱到我鋪中照他們票樣開寫憑票取四川考官丁惟禔銀二千五百兩打

有我鋪水印卽當同交付張太監拿去後未放四川考官之前饒士騰送來說帖內云丁惟禔已另託別人作爲罷論之語我將原帖交方小山轉交楊少舫叫他去辭以後未有回信後來四川考官放下並非丁惟禔饒士騰回說從前已經辭卻現四川已經放過可將原票要回我隨向方小山要票方小山總未拿回六月二十二日丁惟禔放陝西考官楊少舫同太監張姓並不識姓名四五人到鋪吵鬧捥打我到饒士騰家告知饒士騰回稱此事伊等本是撞騙不能給銀此後太監帶人鬧過數次有同行石姓調處未妥方小山卽方桂隱供直隸涑水縣人上年夏間在二酉堂寄住饒丹詔向我說編修饒士騰給伊同年丁惟禔謀放四川考官叫我轉託我找得同鄉楊少舫到二酉堂與饒丹詔見面卽託楊少舫轉託得太監張姓謀辦楊少舫隨後到二酉堂數次後我將丁惟禔名條交給楊少舫帶同票樣交給饒丹詔說明之後五月十六日我在二酉堂等候楊少舫並太監俱到二酉堂饒丹詔開寫憑票取四川考官丁惟禔銀二千五百兩一紙我們當同交付張太監拿去在未放四川考官之前饒士騰給饒丹詔來信寫的是連日阻雨未能奉候丁公另託別人其餘信內言詞記不清楚求句是作爲罷論之語饒丹詔交我轉送給楊少舫叫他去辭楊少舫說回覆太晚至四川考官放下並非丁惟禔饒丹詔叫我找楊少舫撤回原票楊少舫支吾總未拿回後來丁惟禔放陝西考官當日張太監找楊少舫俱到二酉堂要銀並帶人

吵鬧數次我向太監理論他便要毆打我纔躲閃出京楊少舫卽楊生華供直隸涿水縣廩生上年五月
有我同鄉方小山託我聲言伊受二酉堂書舖僉升詔所託因伊族兄饒士騰給丁惟昶謀放四川考官
方小山叫我轉託我隨找素識之裁縫呂德魁找得剃頭趙三轉託太監張姓謀辦卽在大石作海盛軒
茶館與太監會面卽向說明張太監立時應允說有二酉堂作保卽可以辦定如丁惟昶放四川考官
給張太監銀二千五百兩由二酉堂打水印開票並謝給大眾銀五百兩我向太監詢問如何辦理張太
監說我既應允內裏之事你不用管我當將丁惟昶名條交過隨約定五月十六日到二酉堂開票是日
我同方小山張太監到二酉堂僉升詔將票當同交付張太監拿去後方小山拿來饒士騰給僉升詔的
信一封要辭謝不辦方小山叫我撤回原票及四川考官放下並非丁惟昶我找張太監要票伊說已經
說過無論放下某處均須給銀原票不能要回至丁惟昶放陝西考官張太監找我俱到二酉堂要銀是
有的呂德魁供直隸南宮縣人在內宮監地方居住裁縫爲生上年四五月間我在前宅胡同劉姓家作
活隨與伊家教讀先生楊少舫熟習後楊少舫向我商說因給丁姓謀辦考官託我轉謀我隨找得常在
內裏剃頭之趙三託伊轉求御膳房飯局當差太監張秀林謀辦我們四人在大石作海盛軒茶館會面
冒明給丁姓謀四川考官需銀二千五百兩事成後謝給大眾銀兩後楊少舫與太監張秀林由二酉堂

郭鋪開票打水印丁惟禔放陝西考官後張秀林找我同到二酉堂要銀是有的趙三供直隸沙河人在北長街居住剃頭爲生常在內裏剃頭上年夏間有我素識之裁縫呂德魁找我說有伊認識的教書先生楊少舫受方小山所託由二酉堂轉給丁惟禔謀放四川考官我找太監張秀林謀辦卽在海盛軒茶館會面同呂德魁在場楊少舫與張秀林當面說明如丁惟禔放四川考官謝給太監張秀林銀二千五百兩由二酉堂打水印開票並應許事成後謝給大衆銀兩後來丁惟禔放陝西考官張秀林找我同到二酉堂要銀是有的楊雨亭供山西介休縣人在二酉堂傭工饒丹詔族兄饒士騰於上年五月間到鋪找我們掌櫃饒丹詔託給丁惟禔謀放考官饒丹詔隨向方小山託其代辦方小山找楊少舫轉託太監張姓辦理後饒丹詔由鋪開寫憑票取四川考官丁惟禔寄存銀二千五百兩在鋪打得水印後聞丁姓回從四川考官已放別人前立票應許之銀不能付給至六月二十二日丁惟禔放出陝西考官當日太監張姓帶領楊少舫等數人屢至鋪內要銀吵鬧聲稱無論四川陝西既係放出均須給銀石振之供直隸良鄉縣人在文光樓書鋪作生意上年六月二十三日由打磨廠二酉堂經過見有數人在彼吵鬧要銀小的們原是同行生意因與饒丹詔素相認識隨向勸解次日饒丹詔找我說合我隨打聽他說爲丁惟禔謀放考官的事饒士騰找得饒丹詔隨向伊鋪內住的方小山說知託楊少舫轉託的太監

張姓謀辦饒丹詔叫我打聽太監張姓我隨回擬未給他調處各等供查太監張秀林現據內務府覆稱
尙未弋獲所有案內緊要情節衆供已屬可憑未便因張秀林在逃未獲致令要案久懸應卽先行擬結
臣等查編修饒士騰於到案呈遞親供後未及展鞫旋即服毒自盡其供內未經質證之詞不能據爲確
供至該員聽信二酉堂能辦考官之言爲丁惟昶轉託謀辦交付名條傳說謝銀各節均與衆供相符雖
無通同誑騙情事惟以現任編修不知束身自愛輒爲人囑託關說實屬行止有虧咎有應得未便以業
經身死遂置弗論應請將饒士騰卽行革職編修丁惟昶聞饒士騰云二酉堂能辦試差之言先付答應
令其謀說旋即向饒士騰悔辭拒絕饒丹詔方小山楊少舫等供均有饒士騰送來說帖作爲罷論及辭
謝不辦之語卽饒丹詔之開票交票並未取有丁惟昶實據張秀林等之持票向二酉堂索銀亦未向丁
惟昶轉索所供始終未與饒丹詔等見面及先付謀說後經辭卻各情核與衆供尙無歧異惟聞二酉堂
能爲謀幹不卽當時拒絕嗣後雖經翻悔辭卻究已囑託關說在先實屬不安該命有玷清班應請將丁
惟昶一併卽行革職惟係奉 旨交查要案應否加等之處擬請 飭下刑部核明具奏饒丹詔開設書
鋪生理竟傳說能辦考官其平時不安本分遇事招搖已可概見迨饒士騰往向探問輒卽應承代爲謀
辦輾轉串託並率行開寫寄存銀票由該鋪交付雖據供認饒士騰之言惟既未取有饒士騰中保擔承

字據亦未有付銀著落開票交票由該鋪一手代辦其票內所開二千五百兩之數與丁惟禔所供五千兩之數不符是饒丹詔既經串通設局撞騙又復從中浮說數目希圖乾沒迨後撞騙未成以致張秀林等藉端訛索滋生事端似此玩法嗜利實屬罪無可追方小山在二酉堂寄住代覓楊少舫謀辦並往來送信亦屬知情同謀楊少舫呂德魁趙三輾轉囑託串通太監謀辦後復同太監到二酉堂索取謝銀雖均未得贓而核其鬼蜮情形實屬朋比爲奸同惡相濟擬請將饒丹詔方小山楊少舫呂德魁趙三等一併送交刑部按律治罪太監張秀林因楊少舫等輾轉囑託輒卽應承謀辦收受票據希圖撞騙得財迨撞騙未成又復約同楊少舫呂德魁趙三等向二酉堂索銀肆行吵鬧要挾訛詐衆供確鑿該太監實有應得之罪現在尙未弋獲顯係畏罪潛逃應俟拿獲到日另行照例治罪見證楊雨亭石振之無干省釋饒丹詔供由監生考取會典館騰錄楊少舫係廩生業經一等咨部斥革其饒丹詔所捐監照應由刑部追繳查銷上諭福錕等奏承審要案據實覆奏一摺此案暫革編修丁惟禔希圖試差託人關說後雖婉辭拒絕並未過贓實屬行止卑污不知自愛著卽行革職已故編修饒士騰爲丁惟禔輾轉營謀囑託雖無通同誑騙情事亦屬不安本分有玷官箴著一併革職至饒丹詔等設局撞騙朋比爲奸均屬罪無可追饒丹詔方小山楊少舫呂德魁趙三等均著交刑部按律治罪其在逃之太監張秀林著總管內

和府大臣嚴拿務獲究辦并任漏網餘依議○命桂良致祭 明陵○戊辰諭近來各省軍流等項人犯往往有中途脫逃及在配所潛逃之事總由地方文武漫不經心或發差不慎或看守不嚴且有接管員役鬆刑賄縱情弊至逃脫後不過以通行緝捕了事以致該犯逍遙法外故智復萌再犯之案又復層見疊出積習相沿深堪痛恨著各直省將軍督撫一體嚴飭所屬認真整頓過有此等案件立即嚴參懲辦不准視為具文其文武員弁應如何嚴定處分逃犯及解差看守人役如何加等定擬罪名之處著該部妥議具奏○諭刑部奏審明革員冒職翎頂擅入禁門叩關按例定擬一摺已革都司宋汶圖著照所擬絞監候秋審後處決該犯如何脫逃主守人等有無故縱情事著河南巡撫查明咨部核辦餘依議○譚繼洵奏准軍機大臣字寄光緒十九年十月二十日奉 上諭有人奏四川吏治蠹蝕汗濫請飭查辦一摺據稱四川總督劉秉璋信用候選道徐春榮署提督錢玉興二人招搖納賄知縣陳錫嘯等聲名狼籍官運局本該局委員侵蝕餉送又所屬州縣設立私卡殃斃民人防營弁勇暗通會匪劫案疊出列款糾參等語著譚繼洵馳驛前往四川確切查辦據實具奏原摺著鈔給閱看將此諭令知之欽此○遵將起程並抵四川省城日期先後恭摺具報在案連日督同隨帶各員認真查辦已得確情謹逐款分晰為我 皇上陳之查原奏劉秉璋信用候選道徐春榮署提督錢玉興與弁招搖收受賄賂關說差委絡

繹如市也晝夜行則牌札屢得徐春榮以居間受金之術自薦劉秉璋大好之認爲乾女婿錢玉興係捻匪頭目以金帛數十駝投獻各節查徐春榮隨劉秉璋多年及督四川調令來川由候選直隸州捐升道員委辦營務並統帶長勝武字等營迭保以道員交軍機處存記並分省補用臣到川詢據劉秉璋咨稱徐春榮已於十九年三月因病請假回浙至今尙未來省所統各營卽以錢玉興接統錢玉興係安徽人亦曾隨劉秉璋在江蘇江西浙江等處游保記名提督劉秉璋督川又調來川奏辦四川提督統帶泰安壽字等營簡放四川重慶鎮總兵該二員一爲舊日密僚一爲鄉里部曲劉秉璋賦性伉直平時接見僚屬不肯輕假詞色該二員外筦戎行內託肺腑凡旁人所不能面陳者皆可參謁臥內乘便婉達踪跡過密指摘所叢徐春榮認拜乾女婿事屬曖昧無從考證確據飭取錢玉興履歷並劉秉璋咨覆均謂係咸豐初年隨大學士李鴻章軍營得保把總同治二年劉秉璋在蘇該員始行到營並未言及有爲匪投誠之事既未爲匪投誠則獻金亦無憑證惟二員於劉秉璋過於不存形跡劉秉璋遇事自爲主裁原未必盡由該員等之關說但親暱之言異而易入帷幄之地密而難窺當局者自謂不受其欺挾詐者早已陰售其技臣一路傳探輿論敢謂該員等所部營伍駐紮州縣凡地方官一與之迂則阿諛可以立至是其氣餒可畏係屬實情穢弊之加殆由自取原奏凡題補委署文武員缺多由徐春榮錢玉興賄

說而行有徐杏林堂玉興錢店包管開兌之謠如富順縣陳錫嘔之回任遂甯縣黃允欽新都余雲池之越補署江津縣錢少松之驟委皆賄兌之驗先後得職悉交協同慶壽豐厚等銀號存記一節查陳錫嘔係光緒四年江安縣知縣調補富順縣十三年調署成都縣十五年飭回本任黃允欽係舉人大挑於光緒十七年准補遂甯縣知縣其余雲池錢少松查無其人惟有現補新都縣知縣余元煜係屬余姓及已故墊江縣知縣錢璋原參當即指此兩人余元煜係勞績保舉光緒十三年准補新都縣因前署別缺虧項過鉅雖經繳清未赴本任尙管懋功屯務錢璋係光緒十三年曾署江津縣旋補墊江縣於十七年身故臣飭藩司衙門查明各員補署章程據陳錫嘔之回任係以實缺人員調署首縣飭回本任黃允欽等之補署各缺亦皆按照定章辦理竊維卮苴行於暮夜本爲人不及知在與否必緘默不言豈局外可旁搜而得今各該員回任補署既係按章自不能指出賄賂之據惟飭調壽豐厚協同慶兩縣號底簿及傳問該號管事商人查有徐大人卽春榮自光緒十六年起至十九年止先後存過銀一萬兩匯過上海及轉浙江銀共四萬七千餘兩又查有錢大人卽玉興先後存過銀一萬一千兩匯過安慶等處銀七千三百餘兩據商人供稱皆係錢徐二人自行來匯又壽豐厚底簿內列有餘江一欸存銀三萬一千兩據稱係劉秉璋署內自行存儲非徐春榮等經手此外省城匯號尙多不便紛紛提訊劉秉璋錢玉興廉俸

較優存款尙不其多其餘春榮並非實缺辦理營務帶隊之員但就兩號存匯之款而論爲數已如是之鉅縱不盡由請託而得亦足爲貪竊之徵又詢據蔚思厚聲稱徐春榮匯款內有一款係該員離川後錢玉興爲其代匯卽非狼狽爲奸亦皆交結之密宜其物議沸騰也原奏陳錫嘯黃允欽高培穀費秉寅李玉宣國璋等夥開鹽井龍取計岸生理及置買田產濫刑苛斂有五虎十三彪名目四川州縣所在設立私卡刑拷勒索殘斃甚多陳錫嘯在富順八九年間死於卡禁者至千數百名黃允欽在遂寧縱令子姓丁役實案案錢當堂主斷誣良爲盜各節查高培穀係資州直隸州知州費秉寅係閬中縣知縣李玉宣係瀘州直隸州知州國璋係宜賓縣知縣臣飭調該四員來省併同先飭撤任之富順縣知縣陳錫嘯及在省未經回任之遂寧縣知縣黃允欽面加查訊又質之官運局委員等互相印證并商岸商均有花名可查不能掩人耳目現在鹽務生理商名內皆不能指出該員等之業其置買田房亦不能指出確據川省盜賊最多各州縣設卡竊犯有良卡捕卡外照待質自新大鍊鐵桿站籠等項名目繁多間有非刑歷任相沿並非今始現委員明查暗訪如富順等州縣每處現存卡犯少者數十人多者百餘人其每年斃斃者必時有之富順縣尙無八九年間致斃千餘人之多惟簡州有貓籠犯六名最爲慘酷其籠高係二尺圍徑二尺數寸籠旁圓眼如枷囚梏其中頭出籠外手足蜷縮轉側屈伸皆不可得實爲非刑知州易

家霖到任僅數月據稱均係前任之事當經委員令其釋放另爲看管事非一任未便深究應請 勅下四川督撫通飭各屬凡屬非刑一體廢禁至五虎十三彪係惡少痞徒紳號尙非專指官場且復將諸員詳加考察陳錫嘏素性揮霍善於鑽營久擅缺自恃仍有私累兼管鹽務於政理近多廢弛黃允欽兩耳重聽在達甯時子姪家丁擅權用事費棄寅以捐納到川在閩中結交濫刑尙嚴酷高培穀平五宜國璋三員平日居官尙能循分未聞有貪酷劣跡屢經採訪衆論相同原奏四川官運鹽局每年提存護本銀六萬兩十餘年計存六十餘萬兩該局委員歷年險蝕此項息銀劉秉璋覺之將按其事局員竊急將此六十餘萬兩送交劉秉璋私案一節調查官運局原卷此項護本銀兩係該局前接辦委員唐炯詳定每引攤銀一兩以爲鹽船失事添買補配之用每年約收銀二萬九千餘兩曾經報部有案嗣光緒九年該局接辦委員候補道夏曾以護本不敷支用又稟請每引加攤銀一兩未據報部此項連前後所攤之數每年約收銀五萬數千兩查閱歷年收支冊內護本一項因各岸鹽船失事補配開除殆盡既係開除殆盡豈復有委員險蝕思銀盤將本銀送交劉秉璋私案之事可以不辯自明惟查兩淮運鹽章程凡鹽船失事造成地方官查驗確實具結申報始准補配今官運局僅本分局委員開報某船失化若干卽行照數發價買補據該局員夏曾面稱係前經奏明川省鹽船失事毋庸地方官查明結報如此漫無稽

考行之既久難保不滋生事端又查光緒四年十二月前辦委員唐炯詳稱每引攤護本銀一兩自開運以來倘有失化均止數包數十包至二三百包不等從無整載沈溺之事並稱開辦一年各廠補配動用護本尚有盈餘撥補防邊經費嗣後每年盈餘俟照辦理等語是開辦之始每引攤銀一兩尙可有餘追加攤一兩之後既謂岸運較增失事漸衆但收銀加倍而存款寥寥其中有無冒蝕銀已陸續發訖無可查究應請 勅下四川督臣嗣後應如何設法稽查或多仿兩淮章程鹽船失事仍由州縣查驗結報抑或另籌整頓之法總期力杜流弊以歸核實庶爲經久之策原奏徐春榮身在督署葉毓榮掌教來都以馬邊雷波剿夷等案濫保二品頂戴並葉毓榮爲官員請託受賄不數年積資十萬一節查徐春榮係於光緒十五年馬邊剿夷案內保經部駁改獎二品銜葉毓榮自同治五年主講芙蓉書院盤經營臣札辦團防於剿匪案內歷保知府補缺後以道員捐指直隸試用道十五年復於馬邊剿夷案內保二品銜據稱辦理徐春榮文案同在馬邊查徐春榮係充當營務兼帶勇營葉毓榮爲其辦理文案均曾在事就本案而論該二員人無足取而保獎尙無濫邀惟葉毓榮平昔與徐春榮締交甚密且以主講賓師之位甘爲徐春榮辦理文案得有保獎雖無竄名濫保及婪賄擁贊確據而其素習奔競已可概見原奏各處防營弁勇與游民約盟糾黨暗通會匪該匪倚官恃營劫掠婦孺勒贖有接童子擡觀音諸口號并有營官

之子在省糾匪殺人官不過問各節查川省留防營勇分紮省城及各府縣市鎮昔年巡緝亦頗得力近則日久怠生地方官習與聯絡者尙可相安否則動成水火劉秉璋原未盡爲祖護而地方官爲徐春榮錢玉興等積威所劫大率相同咨嗟太息無敢明目營伍之失者實川中近日切弊雖無與游勇約盟糾黨及暗通會匪實據而與地方積不相能則眾所共悉如新津縣知縣顏鍾運因責罰營勇致合營鼓譟起釁百姓齊團相禦致有閉城三日之事案雖辦結而勇丁之恣橫猶可想見當時鬧事之勇卽徐春榮所部其營官聞卽徐春榮之族人又哨弁駐紮之處往往將已獲之匪作爲眼綫名爲以賊攻賊通匪之說或由於此其擄人勒贖拉幼孩謂之接童子並婦女謂之掠觀音川省久有此風近則益甚民間畏匪加害情願認贖而不敢言故有畏匪甚於畏官之謠聞上年有華陽縣紳劉姓之孫爲匪擄去後出帖催贖稱其出痘及措銀贖回而其孩旋場聞者切齒原參係屬實情其營官之子殺人一事係現任督標中協副將況文榜之子況伏虎紳號況四老虎於十九年三月間同鄧金泉等因挾嫌與已革城守營兵曾家彬等忿爭在省城三官堂互毆鄧金泉與羅口浪等互將李炳森吳中銀等砍傷況文榜將其子況伏虎交華陽縣審辦因李炳森等傷均平復該縣將況伏虎等分別懲責結案況伏虎事後病故尙無殺人重情原奏成都府州縣屬劫盜鉅案層出歲至數百而官不知崇慶州城內搶劫典鋪城外焚掠市鎮新

津縣賊衆圍城至逾半月而官不報三邊夷匪蹂躪場鎮圍攻甯遠兵不赴剿各節查成都府屬民情强悍盜案之多向甲通省兵燹後愈益加甚前督臣駱秉章剿數年之力大加懲辦賴以安堵川民至今嘖嘖勿衰近來營縣時有齟齬盜匪亦日見熾張雖盡法懲治而肆行如故竊查成都府各屬自光緒十六年至十九年止共報過劫案一百七十餘起訪問鄉民畏賊等仇不報者尙多卽臬司衙門亦無從查核良民自爲身家往往投名匪黨以求保護民之入匪者日衆匪之殃民者日深原多非盡過當崇慶州被劫之案查係城外葉同興鹽店等處其典舖亦係城外元通場張萬朋之質舖於光緒十八年冬間被匪何麻子等搶劫多賊前往該知州派勇往捕被匪鎗斃勇丁一名後經現署知州勞文琦會營將何麻子與行劫葉同興等舖盜犯張大老等一併拿獲正法其被劫皆係城外市鎮尙無搶劫城內典舖之事又調現署新津縣知縣王樹枏來省詢以賊衆圍城之事據稱上年四月該縣到任時正值盜匪猖獗稟請撥營協捕獲犯多名正法盜風稍戢當該匪搶掠時幾於路斷行人實無圍城情事王樹枏亦稱該前縣頗鍾運因責營勇鼓譟開城三日實有其事原參或卽指此三邊夷酋何市沈屢次糾黨出巢搶掠附近村堡係上年夏間之事飭據署建昌道安成稟報並劉秉璋咨該夷匪經甯遠府知府唐承烈招募土勇會同建昌鎮總兵劉士奇調兵協剿將何市沈及其黨撲滅自無須省城再派兵赴剿夷匪亦未圍城

曾經劉秉璋奏報有案原參自係傳聞失實以上皆訪查各款之實在情形也臣按照原奏檢查案牘參酌見聞不敢故事苛求亦不敢稍涉徇隱惟將一省之利弊小民之疾苦自其可據者如此據實上陳上諭前因御史鍾德祥奏四川吏治蠹蝕汚濁列款糾參當諭令譚繼洵前往查辦茲據查明復奏候選道徐春榮經劉秉璋調赴四川久居樞要頗事招搖貪用卑鄙不恤人言著革職永不敘用著四川提督重慶鎮總兵錢玉興雖無通匪確據惟統軍最多毫無整頓兵驍盜肆貽誤地方直隸選用道葉毓榮跡近近緣不知自重均著交部嚴加議處請補涪州知州富順縣知縣陳錫也習氣太深鑽營最巧遂甯縣知縣黃允欽年老昏瞶信任親丁閩中縣知縣費秉慈苛虐病民聲名甚劣均著即行革職資州直隸州知州高培燾涪州直隸州知州李玉宣賓縣知縣國璋既據查明尚無別項劣跡即著該督隨時察看如不能勝任即行撤實參奏毋稍遷就四川總督劉秉璋措置失當任用非人致招物議著交部議處該省設立非刑名目繁多該督當通飭各屬嚴行禁止如查有私刑斃命等事即行據實參辦其官鹽局護本銀兩尤當核實支銷如有鹽船失事應須補配支應設法稽查不得僅憑委員含糊報銷致滋流弊其餘地方事宜均著隨時認真整頓以挽積習○命徐會灝勘估醇賢親王園寢工程○命阿克丹汪鳴鑾陳學棻志銳承修東西陵工程○劉坤一奏南洋江海兼防整頓水師實爲當務之急海軍衙門原奏

俟北洋成軍以後卽行推廣南洋因籌款維艱於光緒十八年間議復南洋水師案內設法變通將南洋現有兵輪暫減人數以爲節餉添船之計仍俟籌有款項購辦鐵甲等艦庶可逐漸擴充由海軍衙門會同奏覆奉 旨允准欽遵在案快船需費較鉅勢難速行議購不得不就現時餉力擇要圖維查魚雷礮艇戰守兼資實爲水師利器購價既廉養船之費亦省擬卽照外洋最新之式向德國洋廠購辦四艘及應配礮位雷筒魚雷等項出使大臣許景澄於西國船械極爲考究由該大臣訂購必能力求核實當經電詢價值商准海軍衙門核覆照辦又經電商該大臣許景澄向什好廠議價並向伏爾鏗廠互相比核商定分向兩廠訂購伏爾鏗廠訂造兩艘計實價銀四十萬四千馬克什好廠定造兩艘計實價四十三萬九千馬克連腳保險等費均在其內什好爲造艇專廠價值稍增伏爾鏗亦係著名大廠歷經北洋購辦有案此次該廠極欲承攬是以船價運費等項格外從減似此分廠訂購不獨價值較專購什好廠者爲省且更有比較兩廠各廠聲名工料可期益加堅實每艇各配雷筒三具魚雷三尾哈乞開司三十七密里連珠礮兩架及隨礮藥彈等件合計備價二十九萬二千八百馬克有奇連艇價統計一百一十三萬五千八百馬克有奇照現時市價約合庫平銀四十餘萬兩已飭撥定銀令籌防局員會同江海關道照換馬克備文咨請該大臣許景澄分向各該廠照議訂購其餘價值照章分期匯付惟馬克價值漲落

無定應照兌隨實數隨時核算前項馬克各數係由電傳達將來應以印文爲準所需價銀卽以裁節之餉及額撥防費項下陸續勻撥無須另行請款此項雷艇約計一年可以到華前設魚雷廠現在仿照北洋推廣改將魚雷營先期教習俾雷艇到華卽可分別配撥以資巡操據防局詳請奏咨前來臣覆核無異除分咨海軍衙門總理衙門戶部兵部工部外理合恭摺具陳待 旨該衙門知道○劉樹堂奏拿獲著名會匪審明懲辦並懇保獎出力員弁待 旨覽奏均悉卽著展拿逸匪劉南山等務獲究辦所有此次出力各員准其擇尤酌保數員毋許冒濫○己巳諭工部奏 募東陵添建營房工程請旨辦理一摺據稱此項工程前經查估大臣克們泰奏明一切規模按照 募東陵營房舊制辦理嗣據承修大臣徐樹銘等奏請於營房工程之外開挖水溝 陵寢近地風水所關向來無此辦法等語該大臣等於陵寢營房規制未加詳考遽聽該商人呈請擬辦各節係以入奏殊屬疏忽兵部右侍郎徐樹銘刑部左侍郎李端棻均著交部議處此項工程仍著查照克們泰原估做法辦理○諭各部院事務殷繁全在該堂官等督飭司員認真辦理期無曠誤近來朕聞各衙門堂官未能常用進署各司員輒向私宅齎稿殊屬懈弛朝廷倚任大臣分理庶政自應各勤職守嗣後各部院堂官務當振刷精神逐日進署辦事不准藉口兼有他項差使稍涉因循各司員自耽安逸到署之日甚少且有便服進署者殊屬不成事體著各

堂官一體嚴飭整肅衣冠舊勉當差以除陋習自此大申諭之後倘仍蹈故轍別經察覺或被人參奏定行展懲不貸至各衙門遵行議奏事件均應迅速辦理不准任意延致滋流弊用副朝廷整頓官方至意將此通諭知之○劉坤一等奏江蘇太倉州屬崇明縣城四面濱海東南一帶海岸被潮衝塌日埝日甚逼近城牆岌岌可危該處居江海之交爲海疆門戶且漕船北上每多駛赴十激口守風放洋尤爲海運必經之處若不趕緊設法修築保衛一旦城根衝塌其患不堪設想前據該縣稟報卽經臣等批司委屬會縣督同本地紳董前往逐細查勘該縣城外東南空地適營其衝自南門港起至東門外青龍港河口止沿灘丈量直長計五百六十丈山灘斜橫遠至城根不過五六十大潮時一片汪洋沿灘居民每值風潮驚惶萬狀近來日埝日近勢甚危險該員紳等會同籌議擬仿照寶山吳淞兩處濱海工程變通辦理在青龍港之東設立外洋抄木空心敵水壘三道每道計長一十六丈以敵漲潮之急溜又在青龍港之西設立敵水壩一道亦長一十六丈以敵落潮之迴溜漲落潮水既以水壩敵住其溜必緩溜緩則沙沉沙沉則灘漲其自南門港起至青龍港止設立外洋抄木柵一排外加建木柵一排共兩層內用抄木板釘貼柵身再用鐵地龍牽住柵脚柵木之外以石塊壘砌堅固方能敵住風潮又於東邊濠洪中用船一十隻載石沉下俾水緩沙積兼護敵水壩柵脚摺節估計共需工費實銀一十萬一千餘兩由淮運

司及江海鎮兩關各籌撥銀二萬兩並於醫後局先行墊撥銀三萬兩由蘇滬兩盤局分年籌款歸還其餘不敷之銀由蘇藩司庫解足支給據蘇藩司鄧華熙蘇松太道請緝藥會詳請奏前來臣等查該縣東南一帶海岸被潮水衝塌逐漸逼近城根民命城垣關繫匪淺應及早籌款堵築俾資保障茲據詳報前次工費估需銀一十萬一千餘兩委係核實勘估尙無浮冒合無仰懇 天恩俯准將籌撥經費作正開銷以全要工再前項工程自應遴派大員督飭經理查有總辦上海製造機器局務江蘇候補道劉麒祥才識俱優勇於任事堪以飭委就近督同縣委紳董趕緊購料興工一面由臣奎俊親往該縣查勘辦理一俟工竣卽由該道劉麒祥將支用款項數實造報得 旨如所請行○庚午予故提督劉厚基於湖南本籍建祠○辛未諭本日堊岫等呈遞摺件未用黃面殊屬疏忽光祿寺卿堊岫鴻臚寺卿舒豐均著交部查議○癸酉諭載澧等奏查拿誤入後右門之簪帖式等語有辦理一摺據稱本月二十六日在保和殿監試有禮部筆帖式定昌軍機處供事錢朝選由中和殿前經過當將該員等看管據實奏聞請旨辦理並請將值班章京護處等語昨日保和殿考試之期禮部筆帖式定昌及軍機處供事錢朝選誤入後右門行走定昌著交部察議錢朝選著交方略館提調查明辦理後右門值班之禮軍校錫林未能卽時攔阻殊屬疏忽著一併交部議處○諭兵部等衙門會奏遵議處分一摺禁城重地致令叩關

人犯任意闖入該管大臣等平日未能認真稽察亦可概見若不從嚴懲處不足以儆將來所有是日值班之署領白旗護軍統領克勤著革去一切差使加恩賞還頂戴賞給二等侍衛在大門上行走正白旗司鎗長護軍參領文英神武門值班之正白旗空花翎桂林護軍校定祥文連隆宗門值班之正白旗空花翎連保護軍校景成均著卽行革職左翼總兵麟陵右翼總兵長麟均著罰俸一年不准抵銷帶豹尾鎗領侍衛內大臣貝勒載瀼著罰職任俸三箇月鎮黃旗蒙古都統容寶罰俸三箇月均不准抵銷其是日值班兵丁著該營分別責革嗣後各門值班官員兵丁等務當隨時實力稽查不得仍前玩忽以肅門禁懷之○諭前據給事中余聯沅奏寶坻縣被災最重請飭安籌春賑並請設法宣洩涵洞及署寶坻縣知縣張盛鑑性情狡猾玩視民瘼各節當諭令孫家鼐等查明據實奏參茲據奏稱寶坻縣春賑已撥給銀米委員會同地方官分投散放林亭鎮一帶地勢過窪涵洞不能速消亦不宜建閘各處石閘涵洞向由村民經營啟閉縣書無從請索前署寶坻縣知縣張盛鑑辦理賑務散放銀米棉衣並無弊竇所有員紳鄉保甘結亦無挪借錢行欺誑之事該縣撤任時紳士聯名具稟陳其政蹟頗有去思其餘奔競治游各節均查無其事張盛鑑被參各節既據查無確實卽著毋庸置議餘著照所議辦理○甲戌諭軍機大臣等御史楊晨奏浙江衢嚴溫台各衛津租銀兩奏准核減七成後胥役仍多照舊徵收且因衛田散在

各縣冊籍混淆惡胥有賄改包辦等弊地方官因非己事往往控訴不理請飭嚴禁等語吏胥違例徵收藉端舞弊如果屬實大干法紀著廖壽豐確切查明如有前項弊端立即從嚴懲辦毋稍寬縱原片著鈔給閱看將此諭令知之○許振禔奏臣於月前與督臣會商復陳籌辦永定河務一摺據蒙 聖恩優渥一切准行並 勅卽親勘上游擇地築壩估計工需再行奏明辦理臣銜感 恩慈罔知所措顧維天地之恩高矣厚矣惜庸陋如臣不克有裨時局然既已蒙 聖人之特簡則必當務求河事之有裨查外間陳說數端有謂宜在石景山以上築壩旁流以分水勢者有謂宜在懷來縣境築壩分水以灌民田使河流緩駛不能爲害者聽其議論似可施行比及目擊乃知非實臣以論出因公未遑批駁當與督臣檢查故事如總河高斌於和合口建壩之事似可仿行而必當以先治險工爲急因查永定河歲修與黃河大異黃河由臣主持道屬則僅擁虛名鉅壓於上其實到工之費分布幾何事前分布先慮不均臨事掄堵實苦無力此不能不失事也既已失事而修復另派大員用費特許專款道屬汎官依然暫革職而卽開復矣臣與督臣往返函商若欲求河事之有益必須另設一河防局添派洞悉機宜才明果決之大員實力辦理令督臣主持於上司道旁維於下如謂仍前叩天無法於事罔濟者臣不信也查臬司周馥與大順廣道吳廷斌本爲衆口交稱熟諳河務之員因卽商調來工惟周馥籌辦既畢當以辦理秋審必須

回署卽吳廷斌防過大汛亦應回任而承辦石堤之候補道張蓮芬襄辦減壩之候補道賈延馨俱能諳練河事切實辦工可以常年駐局兼可分辦下游局視去此較近有事卽來吳廷斌去此雖遠然每年春夏之交亦可來局小住旬餘會議辦法加以永定河道萬培因樸實耐勞知無不爲可以同力合作因商督臣札派該五員會辦開局於蘆溝橋失事像防添料興工力加整頓蓋經營者將近月餘粗有頭緒當飭萬培因吳廷斌二員親歷兩岸遍查各工但期保固不在惜費其應用之款自以今年爲急凡有所請督臣當於賑捐項內隨時批撥不令遷延失機此等籌辦設局防險之現在情形也臣於二月十一日率同周馥張蓮芬二員兼帶工員徑往上游會勘先已專派員弁兩人前往探視皆言道路不通與上游不能建壩臣仍未遽信因繞出居庸關北直抵懷來縣境查詢高斌築壩之所而故老無能道及檢閱縣志則云高斌以二千金將碎石堆積水中名曰玲瓏壩逾年被水冲去形蹟無存總督方觀承派員前視亦謂山勢緊束自成石閘倘再築壩於事無益遂停工等語臣抵縣次日卽同司道設法前進派員鋤治略能通涉攀崖捫葛遂抵觀亭鋪觀三河匯流俗所名和尚口者則見兩崖石壁聳立數仞中如削瓜下盡沒水較壩塘入峽光景宛然相背兩岸相去二十餘丈與十餘丈不等河水深至五六丈與二三丈不等計此險有七十餘里至沿河口一路接連所謂山谿固國之險也雖有烏獲孟賁之勇亦苦立足無地

嶺中實不能通一人一騎至沿河口以下單騎可通亦不能行車馬天然石閘前代之藉爲邊防者或卽以此目視危險自悔前說如欲拋石塞之則上游之水消歸何處查永定河發源山西附以塞外諸水羣支湊赴至懷來之水關鋪始進四洋河一大支及川河一小支三水合流水勢益大而趨入和尙口卽有兩岸收束天設奇險無論崖中湍流狂奔不能建壩卽和合口以上一片平沙外卽山如欲引水治田則無田可耕且不能設奇築壩激水以上百數十丈之山此自蘆溝以上直抵懷來宣化不能建壩分水之實在情形也上游旣不必施工則前所請保近險疏中洪建減壩治下游之說實爲急務業荷聖慈允當卽懷遵宸謨敬謹將事惟時旣孔迫工亦難緩奮力趕辦似尙不遲從此上游保險可由督臣黃成河防局司道下游疏治可由督臣黃成天津司道但使決去壅塞入海暢行一治而五河均治矣目下蘆溝建壩業已興工此實仿照方觀承辦法聞方觀承之爲直督也多設閘壩以分水勢爲主今雖遺址多湮然南岸之金門關北岸之求賢閘卽其故蹟修治實爲有用此事應由督臣斟酌於來年次第修治或另添壩一二處兩岸故有引河分水自可照舊籌辦至疏濬中洪之說言者或不揣其實有疑爲此大舉苦於無款者有慮及今不治病且益深者不知事若可行一勞永逸則國家何至爲民命而惜費疆臣何至玩民命而坐視夫河身之高各處皆然黃河北南北北民地實高出尋丈亦第鑲埝護堤歲歲

保險而已今欲將永定河之沙盡人力以挑盡無論費過千萬毫無把握其勢必今日挑去明日復淤即欲別通一河改南爲北然勞費亦不下千萬不過數年亦必復苦河淤如故臣等論治中洪則以裁灣取直爲主使挑兩岸之溜引歸中槽不使逼岸爲險此雖多費亦必不可省然頗仿照從前裴曰修辦法查裴曰修之會辦永定河則以請設浚船百二十號專疏中流爲主惜不三四年卽行裁去臣飭道廳估計爲費無多似不妨仿照試行此舉約有三便就極險者先設中槽使大溜不遠近岸一便也有船以送浮沙直歸灘上船可多載不比肩挑屢費倍而運送殊難二便也又河工搶險多在農忙重價僱人且無應者今有此數百人可以聽候指揮免至倉卒求人卽道遠購買糶料亦可由船裝載三便也臣與道廳會商皆謂有益旋與督臣函商意見亦合惟每年歲修又須添請二萬兩伏查前請三十萬兩除建減水壩實需二十六萬七千數百兩外尙存銀三萬二千數百餘兩擬請仍設浚船百二十號就此開支一萬餘兩其餘歲修擬加之一萬兩卽由此分用明歲再連前加之四萬統由部撥臣思永定河近在畿輔以致上厯宵旰其費定額本此九萬數千合之前請歲加四萬今復再乞二萬亦不過十六萬兩比豫東兩省河欸似不爲多如蒙 皇上天恩自光緒二十一年起勅部每年再加浚船費用二萬兩實於河務有裨而司道督工之員亦卽有所恃而不恐惟微臣不揣冒昧前請指撥鉅欸遽沐 優容悚感無地今復

再請二萬兩殊不敢遽以上陳然仰窺 聖意諄諄訓示是於永定河務必須力籌保固者則仿照前規似亦保險之一端 臣以費加適用未敢拘泥合無仰乞 皇上天恩仍准勅部每年再加歲修銀二萬兩以盡人力之所能爲庶幾上託 洪庥常險或可減去是否有當無任屏營惕懼待 命之至 上諭許振禕奏遵旨議勘永定河上游情形一摺據稱查勘懷來縣之和尙口一帶兩崖聳立不能建壩擬在蘆溝橋設立河防局派臬司周馥等辦理河務仿照乾隆年間袁曰修辦法修復沒船一百二十號疏濬中流河槽等語所辦尙屬妥協卽著許振禕會同李鴻章將河防局事宜督飭周馥等認真經理務使中槽一律疏通永弭水患所請於前次准撥歲修銀四萬兩外再添撥銀二萬兩卽著戶部自光緒二十一年起每年如數撥給以資應用並著直隸總督嚴飭在工各員破除積習核實辦理總期工歸實濟款不虛糜用副朝廷念民艱慎重河防至意該部知道○楊晨奏州縣爲親民之吏果使清廉勤慎則政成民和天下自然無事然循謹者固不乏人而貪妄者亦復不少有如錢糧本係 國家正供歛之以時民亦輸將自效若非時預徵恐民力實多不逮挖肉補瘡必傷政體是故定有例限禁止暴徵乃近來州縣每藉口於部議之展寬於開印後卽行開徵且令營勇帶差催迫呼號追擾累更深在下者飲泣吞聲困於借貸爲上者挪移妄用輒至侵虧誠恐 國帑民生兩受其敝又如尋常詞訟到案訊問例禁嚴

刑蓋非強盜熬刑賊證既真堅不吐供者比乃各州縣每遇審訊不論何犯酷用刑威且有私設非刑以示嚴厲者嚴刑之下何求不得備有誣屈必至上干天和應請 明降諭旨申明定例仍按上下忙徵收錢漕不准託詞預徵其尋常事犯不得濫用嚴刑及私造刑具備有違例違私從嚴參劾庶幾民生得以休養吏治亦可澄清矣 上諭楊晨奏近來各省州縣有非時預徵錢糧及濫用酷刑等弊請申明定例通行飭禁等語各省徵收上下忙錢糧例有定期所以體恤小民俾得及時完納審理詞訟案件亦應悉心研鞠以期無枉無縱豈得專事刑求若如該御史所奏近來各州縣非時預徵意營私帶差催促擾累更深審訊平常案件動用酷刑似此殘暴情形殊堪痛恨著各省督撫同藩臬兩司嚴加查訪如有前項情事立即嚴參懲辦不准稍涉徇隱○以彭壽為鑲紅旗滿洲副都統春齡為鑲紅旗漢軍副都統○乙亥 上至熙澤園演耕藉禮○諭給事中余聯沅奏禮部侍郎志銳前在內閣學士任內派充考試試差間卷大臣肆言某卷係某人某人係某詩毫無顧忌則其所取者非至親即密友尙安望其秉公衡校等語該侍郎奉命衡文自應詳慎校閱乃竟肆言無忌是何意見著志銳明白回奏○諭軍機大臣等吳大澂奏會匪聚眾滋事調派防營會剿一摺著德馨派撥官兵馳往邊境嚴密防剿以杜竄越其承寧一帶餘匪著一併搜捕淨盡毋任漏網將此諭令知之○余聯沅奏遇有工程 欽派大臣勘估又派大臣

承修在 朝廷立法本極周密乃臣聞近來一得此差無論工程之大小皆有成數先由工人致送名目節省銀兩夫既謂之節省則此項銀兩將返之部庫乎抑上之 朝廷乎而部庫既放未見其復入也朝廷既予未聞其復取也工程有大小而成數無參差未經動工先派成數承修大臣去其一勘估大臣去其一派出司員又去其一工人惟利是視又不止去其一則實在到工者有限矣無怪其偷工減料修葺不久而即朽腐也無怪其初期不足而紛紛又請加成也在潔清自矢之大臣或有卻而不受者而亦不聞其切實撙節能摘其弊而發其微也所以工程一出司官奔走於堂官之門展轉求請並有求而不得者以國家有定之帑項供該員等無限之殷酬美其名曰節省無益於庫藏而祇有利於私寔名不正則言不順試詢之該承修者自問能勿汗顏乎大約此等陋習相沿已久視為固然牢不可破擬請 旨嚴飭諭禁俾曉然於工項之不可侵漁工程之不可偷減並 飭令該部妥定章程以節糜費而杜漏卮上諭給事中余聯沅奏近來遇有工程派估承修各員有節省名目實在到工者有限無怪其偷工減料不能經久等語各項工料派出勘估承修大臣均應核實辦理卽或該大臣潔清自矢而所派司員及胥吏人等亦豈容稍有弊混嗣後一切工程承辦大員務當破除情面督飭司員認真經理掃除積弊以期工料堅實帑不虛糜其承修之工如於保固限內有損壞情形卽著工部查明照例賠修毋稍含混○

丁丑 上詣 奉先殿 壽皇殿行禮○諭前據給事中余鼎元奏侍郎志銳前派考試試差閱卷大臣肆言無忌當經諭令志銳明白回奏茲據奏稱上年蒙派閱卷擬取進呈試卷照例彌封詩文亦不由該侍郎核對無從知爲某卷係某人某人係某詩如有所言同時校閱諸臣亦斷不肯隱諱等語該給事中所以奏自係傳聞之誤卽著毋庸置議嗣後該侍郎若派閱卷差使務當秉公校閱謹密從事用副朝廷慎重文衡至意○諭秀吉奏拿獲欲行闖入禁門人犯請交部嚴審一摺據稱本月二十八日亥刻有山東民人孔慶蕭跑入東華門外柵欄內經值班官兵拿獲訊問言語支離恐有裝點情事等語孔慶蕭著交刑部嚴行審訊○是月法蘭西國使臣李梅回國施阿蘭繼之○美利堅國使臣田貝回國參贊田夏禮代理使事

光緒一百十九

臣朱壽朋敬編

臣章圭璋恭校

三月戊寅朔日有食之○己卯 上詣 慈禧端佑康頤昭豫莊誠壽恭欽獻崇熙太太后前請安○庚辰諭吏部兵部會奏遵議處分一摺四川總督劉秉璋經部議照革職例議以革職著加恩改為革職留任朕念該督宣力有年平日辦事尙屬認真是以特從寬容嗣後務當振刷精神於川省吏治營伍實力整頓不得稍涉懈怠以副委任署四川提督重慶鎮總兵錢玉興直隸試用道葉毓榮均著照部議卽行革職○吳大澂奏洞庭西湖前因頻淤成洲地積日廣貧民趨利趨聚互相爭佔闢墾歷經各前撫臣及湖廣總督臣張之洞會委道府大員前詣查勘稟請畫定界設官專理適前任撫臣張煦抵任復令藩臬兩司及督後局委員會同沿湖巴陵華容武陵龍陽沅江安鄉等縣分途勘丈將各該縣淤壤劃撥清楚繪圖造冊由司詳經張煦核明援照嘉慶年間劃芷江縣六里等處地方移設晃州直隸廳成案建設南洲直隸廳撫民通判並將擬改岳州府管轄通判爲新設南洲直隸廳撫民通判移武陵縣大龍驛巡檢爲南洲廳司獄巡檢及辦理南洲勘丈完竣各情形於光緒十八年八月初五日會同督臣張之洞具奏並

聲明移設官吏一切未盡事宜俟臣大徵到任體察與督臣張之洞商定次第奏明辦理在案臣大徵到任後查悉該南洲僻處湖西地隸數縣雖經勘丈釐定界址而建置之官等事亟宜妥籌舉辦以資控治而專責成惟屬治既設所有應設營汛學官各事亦須兼籌隨經分別咨商提臣婁雲慶學臣張預核覆行令藩臬兩司歸案妥議詳核去後茲據湖南布政使何樞按察使王廉會議詳稱覆加體察詳細籌議應請仍照前議將岳州府管糧通判裁汰改爲新設南洲直隸廳撫民通判駐紮九都地方管理該洲命盜詞訟暨錢糧保甲水利事務定爲繁疲難要缺歸岳常澧道管轄並將武陵縣大龍驛巡檢裁汰改爲南洲廳司獄巡檢駐紮該洲管司獄事兼管緝捕定爲簡缺俟奏准再行查明現任岳州府通判及大龍驛巡檢各員能否勝任新改各缺另詳擬補外謹將南洲設立廳治一應補撥建置事宜逐一籌議詳陳一南洲廳通判係由岳州府通判裁改俸薪養廉應請仍照原編額數支給惟直隸廳事較繁應設額役除將岳州府通判衙門額設各役一併撥給外應添民壯八名快役四名禁卒四名件作一名鋪司八名以供廳策而符體制擬照現撥各縣地畝核計酌裁華容縣額設鋪司八名壯役三名禁卒二名武陵縣額設快役一名龍陽縣額設壯役三名民壯三名件作一名安鄉縣額設壯役二名禁卒二名將工食銀兩抽存撥補支給以冀增添額支司獄巡檢係由大龍驛巡檢裁改俸廉暨應設各役均照原編額數

抽撥支給毋庸加增一南洲屬土地人民均由安鄉縣容武陵龍陽沅江等縣撥出風氣頗雜該縣管理
命盜詞訟徵比錢糧設過事涉貢監生童應行傳喚均須隔屬轉移多阻時應請撥設學校以資教化
而裨治理查安鄉縣額設訓導一員復設教諭一員該縣學校無多以一訓導領之足資訓迪擬將安鄉
縣復設教諭一員移駐該洲作為南洲直隸縣儒學教諭並隨撥額設門斗俸發工食照原編支給其安
鄉縣學統歸額設訓導經理以專責成至取進學額定例視人文多寡分大中小學取進南洲屬係屬撥
設人文多寡未經考試無憑揣悉惟該縣撥轄境地並非概屬淤荒如華容安鄉二縣撥出民田均係向
有額徵錢糧現既人民與土地並撥學額自應隨戶口而分擬照丁糧核計於華容縣額進二十名內撥
出學額二名安鄉縣裁剩十二名內撥出學額一名共計三名作為南洲屬學額武童進額亦照前數議
撥其由武陵龍陽二縣撥出田畝均係新充官荒及新淤洲地未經升科完糧人亦非二縣土著未便議
分二縣學額但一經撥隸該縣版圖即屬該縣土著應准一體歸該縣考試照直隸縣送考例由該縣徑
行錄送學院就近附搭澧州隨棚考試分別取進俟考試一屆後察看人文多寡再行分別詳奏請照大
中小學設定學額及屬增額數出貢年分一南洲屬撥轄地方遼闊應設專協防汛以資彈壓現經詳咨
查明澧洲營左哨千總堪以抽撥並帶馬戰守兵二十名移駐該洲烏嘴作為駐防南洲屬專汛又查有

北汛協防外委亦堪抽撥帶兵十名移駐該洲九都作爲駐防南洲廳協汛所有各弁兵俸廉餉乾仍由
澧州營照原額彙領轉發毋庸添改一南洲廳新設文武各員弁應分別換給關防印記以昭信守擬請
鑄撥南洲直隸廳通判關防一顆南洲廳管司獄事巡檢印一顆南洲直隸廳儒學教諭印一顆俟奉撥
發轉給開用即將裁汰岳州府通判關防武陵縣大龍驛巡檢印分飭呈繳另詳咨銷撥設千總外委應
換關防鈐記照例由司分別刊給另詳咨報一南洲廳新設員弁應分別修建衙署監獄以資棲止辦公
擬派員前往撙節勘估需用工料經費若干容俟另行籌款核實修造至於城垣壇廟一切工程均請暫
緩籌辦春秋祭祀卽由廳員暫假現有祠宇陳設致祭需用祭銀擬准先由收穫租課內核實支銷俟充
官新淤田畝升科後再將應支祭銀分別增入地丁耗羨額支造報一南洲廳管理命盜詞訟案件擬請
以奉文准設廳治員到任之日爲始均由廳員勘驗承緝審理逾限犯未能弋獲分別照例將該廳員職
名開送詳參其未經奉文以前地界內所出命盜案件除已由各縣獲犯訊結外如有犯尙在逃案未議
結者卽將案卷概行移歸該廳承緝審辦參限已滿者照案緝拿未滿參限者卽照接緝例擬限勒緝逾
限不獲卽將該廳員職名開送詳參以昭畫一而專責成一南洲廳境地應照迭次派員會同各員勘撥
四至界址一律劃歸該廳管轄惟據開報共計民田一十三萬三千畝七分三釐官田八萬九千一百五

十畝四分八釐二毫一忽蘆田六萬三千三百七十四弓九分六釐一毫七絲三忽其中有無遺漏並民田舊有額糧若干擬俟奏准劃撥再飭該屬員會同各縣復勘明確分造細冊詳齎以昭核實其應徵額糧卽照數撥歸該屬經徵新淤官地尙無額糧者俟報墾五年限滿再行委員覆勘有無坍塌增漲及能否開墾成熟照例分別升科舊地應暫收納租課禁築堤垸一南洲總現撥境地由咸豐年間藕池潰口荆江之水橫決而南挾泥沙以趨洞庭以致湖身頻年淤墊逐漸積成沙洲現在勢不能以人力強爲疏濬復還爲湖流寓人民亦難資遣驅逐不得不因時制宜設立總治以資撫綏安集但洞庭一湖攸關湘鄂兩省水利亦宜並計兼籌以紓水患擬請嗣後責成該屬員隨時認真稽查除係支墾民田官田舊有堤垸外不准再加增其潰湖新淤土及私垸有礙水道者卽酌量設法開挖創毀並通飭沿湖各州縣一體查禁私築堤垸以期壤地與水無害等情具詳前來臣悉心查核該司等所議各條均尙周妥所撥文武官弁俸工役食銀兩與原額亦無增益如蒙 俞允其有應行之事臣當分飭遵照次第舉行分別題咨辦理如尙有未盡事宜容再詳察隨時酌辦下部議奏○辛巳祭 先蠶壇 皇后親詣行禮○以孫顯寅爲四川重慶鎮總兵○諭朕欽奉 慈禧端佑康頤昭豫莊誠壽恭欽獻皇太后懿旨慶親王奕劻代奏恭親王奕訢籲懇祝嘏具見惻忱惟念奕訢久病未痊尙宜靜養若必拘以禮節轉非體恤之意

著免其隨班祝嘏以示優容○壬午諭前據沈秉成奏據蒙城縣紳士呈請將已故提督王化成事蹟宣付史館立傳並附祀英翰金運昌專祠一摺當諭令該部議奏茲據奏稱已故提督王化成據該撫臚陳各戰功並未指出實據其在新疆屯墾捕蝗各事皆職守內應辦之事所請擬毋庸議等語史館立傳及專祠附祀原以褒揚功績昭示來茲既據禮部奏稱王化成並無殊勳異績可紀所請立傳附祀之處卽著毋庸置議○王綽奏督撫之於屬吏其政治才具皆得詳察而備試之知之真故舉之當也近來督撫臣每有保薦他省候補選人員送部引見之請雖如何錄用聖心自有權衡而臣竊慮進賢之舉適長奔競之風夫此項人員其政治才具之如何無從悉知而明試之也何所據以知其賢而保之乎自軍功捐納之途開登進不爲不廣故間有奏停分發省分可見人浮於事無待旁招且該員等大抵補缺無日銓選無期一經奉旨發往便歷各班卽非失舉已覺過優在疆臣留意人才或久司局務而資其指臂或曾襄戎幕而悉其勤勞舉其所知自不至於冒濫第恐相沿日久捷徑爭趨聲氣一通則取巧之計得薦剡一上則倖進之謀成既各懷希冀邀恩之見卽難免夤緣請託之私於吏治所關非細近經吏部奏定凡他省候補候選人員一概不許投効永定河工誠恐投効之途既阻又將轉而謀薦矣更不可不防其漸可否請旨飭下各督撫嗣後他省候補候選人員非留省年久勞績最著者不得濫行廣

請以示限制 上諭御史王緯奏保薦人才宜示限制一摺各督撫保舉人才如果實有真知灼見堪備錄用者原不必限以方隅若如該御史所奏近來督撫每有保薦他省候補候選人員送部引見相沿日久捷徑爭趨且各省間有奏停分發可見人浮於事無待旁招自應予以限制各省候補人員如果有才具出眾者本省督撫自能各舉所知亦不致沒其所長至候選人員未經到省既無事蹟可徵何由知其賢否嗣後此項人員概不准保請送部引見其本省屬員中亦須才猷政績確有可指者方可據實保薦不得據拾空談率行濫保以勵真才而杜倖進○癸未諭軍機大臣等有人奏士子舞弊倖中監臨設法彌縫據實揭參一摺據稱上年甘肅新中第七名舉人李運達原籍湖北黃陂縣以伊父李景庚服官省分冒入兩當縣學籍上年鄉試僥倖搶手湖南李某在場中換卷倖中嗣因搶手索討謝銀呈控楊昌濬以搶者中者均係同鄉瞻徇情面囑令內監試胡手駿等代出銀兩和息並聞有更換墨卷情事請飭查辦等語冒籍考試例禁森嚴李運達事既敗露楊昌濬何以置之不辦猶復曲爲彌縫著鹿傳霖派委道府大員前往確切查明據實覆奏不得稍涉徇隱原摺著鈔給閱看將此諭令知之○諭軍機大臣等山西平陽府知府福志著張煦悉心察看如竟不能勝任卽行據實參奏毋庸稍爲遷就將此諭令知之○安維峻奏前大學士陝甘督臣左宗棠奏請入籍十年者准其應試原係以廣招徠藉實邊疆土地爲

一時權宜之計乃自奏准以來入籍者仍屬寥寥土地之荒涼如故而官場則以為大開方便之門或自家子弟或幕友親戚公然冒入學籍顧使地方實有其人令土著之人藉資觀感猶可言也乃應考時紛然偕來入學後飄然遠颺所謂博士弟子者徒空名耳又使本人應考土著之人不能爭勝或可生其愧奮之心乃籍已冒矣而入場者多屬搶替則不惟冒籍而又冒名鄉試之日百端弊混官場互相徇隱士子不敢稟揭甚且至公堂執事人員送點心什物直呼某號某生而予之視 朝廷功令毫無忌憚如是而弊竇安得不深本籍士子之心安能帖服及來京擬試本籍舉人向出結京官聯名指揭為京官者屈於督 臣勢力不敢攻發即具呈都察院轉咨禮部行查本省督 臣取其地方官印結則捏為入籍已過十年蓋冒籍者非其同鄉子弟即其幕友親戚誰肯自首者至冒籍者之三代自入學時早已捏造與其服官父兄之名迥然不同是為倖進之故先不有其父母即其父母病故並不呈報丁憂不孝之人他日安能作忠而為大言以欺人者則謂天下一家何此疆隴界之分既與 朝廷清查籍貫嚴防跨考之意大相悖戾且謂本籍之人大更有意招徠試問冒籍諸人果家於何地稍有天良者度不敢飾詞以應也伏查甘肅額不敷取進者惟蘭州府屬之渭源寧夏府屬之寧夏朔慶陽府屬之合水環縣秦州屬之兩當固原州屬之平遠擬請將此數學額或扣留或裁減任缺毋濫且歷任學政有將不敷取進之學額暫

播人多州縣取進者可否廣爲推行其已經取進之冒籍諸生勒令及早改歸原籍緣冒籍中式舉人者歷經改歸原籍有案欲澈底澄清似宜早爲之所免致紛紛舞弊至其餘府州縣不籍人數甚多每科可中之卷以額滿見遺者多則百餘名少亦數十名是其明證又每開一科地方差徭供應苦累實甚乃本省中額除滿州駐防二名編號一名外僅三十六名復任令他省人紛紛攫取是 朝廷例定中額所以體恤邊方寒畯者地方官更且得爲冒籍通融揆之情理豈可謂平應請 旨申明嚴禁冒籍仍例嗣後如有此等情弊一經發覺除將舉人照例斥革外並將監臨以下各官照例議處至覆試時出結京官倘有徇情納賄爲冒籍私行出結等弊經本籍人揭出卽治以應得之罪似此認真整頓庶幾弊絕風清邊方寒畯得以沾被 天恩卽科名益昭貴重 上諭御史安維峻奏甘肅鄉試冒籍甚多以致弊端百出請申明嚴禁爲例以重科名等語著禮部議奏○安維峻奏甘肅鄉試冒籍之弊時無天日從未有人敢爲舉廢者猶幸出結京官持正者多不爲利動不爲威怵於歷科冒籍舉人勒令覆試後改歸原籍不許再占會試中額藉以平本省士子之憤而抑冒籍倖進之心如此通融辦理雖非盡依 朝廷功令然於守法之中仍予冒籍以成全之道似尙不失爲忠厚待人乃現任甘肅新疆巡撫陶模前由甘肅蘭州道升任直隸按察使光緒十二年春間 陛見來京輒爲冒籍諸人向京官說情出結京官以本省士子

噴有煩言不盡如該撫之意於是該撫擬以手書致臣囑向士子調停臣既婉言謝之復正論折之所以謝之者以臣官翰林非印結局中人不應干預此事所以折之者因該撫有當念前大學士陝甘總督左宗棠爲甘肅分關之恩並各大憲多方招徠之意爲冒籍推情等語臣直答以分關乃皇上之恩左宗棠既爲甘肅奏請與湖南何干況冒籍又不盡湖南人若謂左宗棠有意庇其鄉人未免以小人之心度君子之心誣左宗棠甚矣至謂各大憲多方招徠試問冒籍諸人果家於何地乎不過掛名學籍爲攫取舉人之計中後創違礙耳且如父兄服官之省子弟入場律以朝廷功令豈復情罪可原該撫當時理屈詞窮無可置喙及巡撫新疆於是爲冒籍執法市恩乃有以咨代結之事臣請爲我皇上詳陳之緣甘肅新疆每逢鄉試例准編號取中及中後來京覆試取具甘肅京官印結納卷由來已久近因官場子弟及游幕諸客或冒入學籍或報捐監生因而倖中但經本籍士子揭出在出結京官不得不照例扣阻本年有辛卯科冒籍中式之李柄珩補行覆試該撫恐甘肅京官仍舊扣阻乃於咨禮部文中巧弄其說謂新疆現無京官請以本撫咨文代結此風一開設新疆舉人領咨後中途倩人來京覆試會試不但禮部無從辨其真僞即該撫亦烏得而知之聞禮部於此事初擬斥駁不知因何緣故終究議准伏思編號之舉人取結有儲章可循即新疆設立行省以來中式者亦屬多名應經取具甘肅京官印結復試在案

蓋既稱甘肅新疆則所有士子原無不歸甘肅鄉試之理豈有不歸甘肅出結之理且前任巡撫劉錦棠
前護理巡撫魏光燾均不聞有蔑視甘肅京官爲冒籍出脫情事獨該撫陶模膽敢變亂舊章以新疆無
京官藉口人第議其剛愎自用而不知其偏袒冒籍之心藉端而發直視甘肅本籍士子不值取中者然
臣謂假公濟私者此也科場條例冒籍之禁何等嚴明今李炳垣實係四川南部縣人冒入新疆迪化縣
籍家論確鑿豈謂其家並不在新疆居住該撫明知故縱並代爲出脫其顯違 朝廷功令一也又定例
科場年不准條陳科場事誠恐倉猝中容易傳其欺詐此事該撫先期並未奏明請 旨輒於會試咨文
中擅行變置較條陳科場事情節尤重其顯違 朝廷功令二也京官出結例有明文該撫竟敢以巡撫
使京官職辯言亂政料甘肅京官無人敢發其覆此後可以惟我所爲其顯違 朝廷功令三也總之該
撫此舉名爲招徠士氣實則爲冒籍開方便之門幾以 朝廷爲可欺罔初不知 皇上勵精圖治事事
認真一經發覺斷難逃 聖明洞鑒也至禮部並不查考舊章輒因該撫咨文率行議准豈混奏乞 恩
旨又不計及新疆舉人會試亦歸甘肅合中如果中式貢士擬試時將仍取該撫之咨以代印結耶抑不
須印結即可擬試耶如不須印結即可擬試則假冒搶替何從稽查且合天下貢士何爲有取結之例如
仍取該撫之咨以代印結則遙遠萬里豈數日可到者儻此時始令向甘肅京官取結則前此舉人擬試

何爲以吾代結耶該部堂司各官於此事辦理荒謬其有無情弊不得而知但以守法之人竟至執法咎將安辭竊計新疆爲邊陲要地招徠鼓舞誠屬切要之圖但士子非十年讀書十年養氣未易發名成業歷任撫臣一味欺飾使四方無賴之徒與官場子弟挂名學籍訓之地方並無其人蹤跡及至鄉試傳檢頂替弊竇百出 朝廷將安用此等濫竽充數者爲耶臣以該撫受 皇上重恩由知縣洊擢封疆軍國大事朝夕籌畫之不暇而乃總辦爲冒籍故與甘肅京官爭氣卽此已非大臣之度臣揭參至此諒該撫亦未必不爲心折然臣爲 朝廷慎重科名起見嗣後應改歸舊章出結以杜流弊之處惟願斷自宸衷至該撫及禮部堂司各官應如何分別懲儆之處伏候 聖裁又奏新疆本籍舉人胡尚誠本年覆試仍取其甘肅京官印結在案至李炳珩實係冒籍並非寄籍撫臣陶模以吾代結專爲袒護李炳珩起見而以胡尚誠借作陪客其心術巧詐一至於此胡尚誠知以吾代結之有礙仍行取結京官坦然予之可見公道自在人心李炳珩既倚該撫之力又對人言新疆會試中額不在甘肅九名之數此等狂妄之談本無足深究但其平日之不安分卽此可以概見可否 飭下禮部將李炳珩會試卷扣除仍照冒籍例懲辦 上諭御史安維峻奏本年來京補行擬試之辛卯科舉人李炳珩係四川南部縣人冒入新疆迪化縣籍衆論確鑿新疆巡撫陶模恐甘肅京官扣阻以吾代結經禮部議准請分別示儆並李炳珩會

試卷扣除各摺片著禮部查明具奏○諭御史德薩奏宗室贊禮讀祝等官選途遲滯請飭量爲變通一摺著該衙門核奏○乙酉 上幸頤和園詣 慈禧端佑康頤昭豫莊誠壽恭欽獻皇太后前請安○還宮○禮部奏光緒二十年三月初六日內閣奉 上諭御史安維峻奏本年來京補行覆試之辛卯科舉人李炳珩係四川南部縣人曾入新疆迪化縣籍衆論確鑿新疆巡撫陶模恐甘肅京官扣阻以咨代結經禮部議准請分別懲儆並將李炳珩會試卷扣除著禮部查明具奏欽此欽遵到部查新疆舉人李炳珩前據甘肅新驅巡撫陶模給咨會試並請以咨文作抵印結准其覆試等因經臣部查各省舉人覆試均取其同鄉京官印結赴部投卷惟新疆僻處關外現在並無出結京官該撫所請係爲體恤邊遠士子起見擬請准其投卷覆試於光緒二十年二月十九日具奏奉 旨依議欽此今據該御史安維峻奏稱李炳珩係四川南部縣人曾入新疆迪化縣籍自應由臣部行文新疆巡撫查明該舉人曾否呈明入籍俟查覆到日再行辦理惟查定例各省舉人有因籍貫未清應行查辦者均由臣部將試卷先行扣除此次舉人李炳珩據該撫咨送覆試文稱該舉人係鎮西關附生民籍臣部因係邊遠士子與他省不同是以據咨代奏准其以咨文作抵印結投卷以示體恤欽奉 諭旨允准既據該御史奏稱該舉人係曾入新疆籍所有此次會試試卷應否扣除等候 命下臣部遵照施行 上諭昨據御史安維峻奏甘肅舉

人李炳珩有冒籍等事當經降旨令禮部查明具奏茲據奏稱前因李炳珩係邊遠士子與他省不同是以據咨代奏准其投卷以示體恤既據該御史奏該舉人係冒入新籍實應否將會試卷扣除之處請旨遵行等語李炳珩試卷著先行扣除卽由該部行查該舉人曾否呈明入籍俟查覆到日再行奏明辦理○丙戌諭張之洞奏省城製造火藥所因礮盤出火引燃火藥以致礮盤房屋倒塌工匠多名請將委員革職等語湖北補用通判恩玉疏於防範著卽行革職其該管官員著該部查取職名按照奏定章程分別嚴處餘著照所議辦理該部知道○追予前陝西延榆鎮總兵劉厚基於湖南本籍建祠○丁亥祭先農壇 上親詣行禮○戊子命停句今年秋審情實各犯○己丑諭軍機大臣等前據許振祺奏查勘永定河上游情形擬設立河防局派臬司周馥等辦理河務當諭令該河督會商李鴻章將河防局事宜督飭周馥認真經理現在辦理情形若何蘆溝南岸建築減水石壩何時可以竣工此外應辦各事如已與李鴻章商議就緒卽著李鴻章督飭周馥等妥爲接辦刻下已屆挑汛豫省河防緊要著許振祺將經手事件移交復卽回本任毋庸來京請訓將此各諭令知之○諭軍機大臣等戶部奏遵撥銅本銀兩一摺雲南銅本銀兩鼓鑄攸關現經戶部遵旨撥由湖北省二十二一年兩年應解部庫旗兵加餉項下每年撥銀五萬兩西征洋欸改爲加放俸餉項下每年劃撥銀十萬兩著卽分年迅速籌撥不准稍有

韓大○廣寅諭德馨奏會匪圍攻永寧縣城當時擊散地方安靜一摺本年正月間湖南鄧縣會匪鄧世恩等竄入江西龍泉大小井土嶺地方糾集匪徒黃三祥等聚眾千人攻撲永寧縣城當經該縣知縣會同營弁分路圍拿陣斬匪首姚仁四等多名生擒鄧世恩等六十四名奪獲旗幟鎗礮等多件該匪紛紛逃竄復經鄉團勇截殺又經永新縣兵團將逃匪趙飛龍等拿獲現在地方安靜辦理尙爲妥速所有此次在事出力員弁著准其擇尤酌保毋許冒濫仍著德馨飭令該地方文武將餘匪搜捕盡淨並著大激於連界地方督飭防軍一體嚴緝毋任漏網另片奏廣東南雄州匪首劉叫妹夥黨數百名突竄江西大庾縣地方搶劫經該處駐防勇丁剿捕擒獲賊首三名餘匪受傷數名退回粵境提督申道發盤獲匪探蔡親順一名正法等語此股匪徒現在肅辦情形若何著李瀚章據實覆奏並飭該府縣防營認真巡緝迅圖撲滅又片奏拿獲東鄉鉛山縣會匪何甫喜孫士林解省訊明正法所有在事出力之撫州府知府顏鍾璽著交部從優議敘署南昌府事饒州府知府倪恩齡著俟得道員後賞加二品銜鉛山縣知縣陳慈範著以直隸州知州在任補用試用府經歷程祥藻縣丞周錫章江蘇試用府經歷沈祖茂均著俟補缺後以知縣用東鄉縣典史張禹川著以縣丞在任候補總兵江宗夏著賞加提督銜鉛山縣都司王經綸著賞加游擊銜守備王高魁著以都司補用以示鼓勵餘著照所請辦理該部知道○辛卯諭

吳大澂奏總兵額懇祝嘏據情代奏一摺湖南綏靖鎮總兵陳海鵬著毋庸來京各省來京祝嘏人員正月間欽奉 鈔旨派出業經降旨宣示吳大澂既已奉到不應再爲代奏茲特申諭各省將軍督撫提鎮等恪遵前旨凡未經派出各員不得再行籲請○壬辰雨○上幸頤和園詣 慈禧端佑康頤昭豫莊誠壽恭欽獻皇太后前請安○還宮○諭福潤奏特多疏防搶案之文武員弁一摺據稱二月初九二十一日差弁潘復曾等及舉人李爲蘭等先後在山東平原縣境腰站街迤北及大魏莊迤西地方均被騎馬賊匪八九人搶去銀錢衣物請將該縣知縣汎弁等摘頂勒緝等語平原地方於半月之間連有搶案該文武員弁既未能先事預備又未將該匪等即時弋獲捕務廢弛代理平原縣知縣王之幹平原汎把總周餘德腰站汛外委王清林均著摘去頂戴勒限兩月嚴緝各盜務獲究辦倘限滿無獲卽行嚴參近來該省盜風不靖劫案迭出大爲行旅之害亟應認真整頓著福潤嚴飭各州縣隨時嚴加巡緝不得稍有疏懈以靖地方○諭向來各直省將軍督撫等所奏硃批摺件均應按年恭繳乃近年以來各省多有遺漏未繳之件其繳進省分有自行奏繳者有咨行軍機處或奏事處呈繳者辦法亦參差不一著通諭各該將軍督撫提鎮等嗣後將所奏硃筆等件統行咨交軍機處於年終核繳以歸齊一其從前遺漏未繳之件均著一律補繳○癸巳諭軍機大臣等吳大澂奏官軍防剿匪逆首就擒匪蹤已漸窮蹙一摺

會匪聚眾分股搶掠從其多亟應迅速撲滅以靖地方著吳大澂添派得力員弁兵勇上緊剿辦將匪首譚北海等悉數殲除毋任日久蔓延爲患是所至要○甲午裕寬奏查豫省地方遼闊小民良莠不齊且樂南一帶與皖鄂等省接壤伏莽未清時有匪蹤出沒近年各省復有會匪滋事奴才自抵豫以來深慮外來及本省匪徒煽誘勾結乘機竊發卽經飭屬清查保甲認真巡緝嗣訪有匪徒在開陳所屬散放執照情事復經密囑南陽河北歸德三鎮並飭各防軍地方文武不動聲色嚴密訪拿去後茲於本年二月十一日據署河北鎮總兵楊鴻禮會同南陽鎮總兵崔廷桂派弁帶領眼線探明匪首米金龍在省城附近地方藏匿隨會同撫標練軍營縣跟蹤追捕將匪首米金龍在祥符縣境內拿獲並該犯供出夥黨復據中軍參將王壽派撥員弁並署開封府知府濮文選督同緝祥符縣知縣沈傳義署通許縣知縣魏一德各帶兵役馳往搜捕拿獲張玉振潘均可二名先後起獲偽印黃紙小旗等件一並發交署臬司桂霖督同開封府委員隔別研訊據宋金龍供稱匪徒開州人該犯因傳聞初生時祖父得有異夢又手擎等處均有異相遂存妄想適遇袁秀臣卽因道人謂該犯生有來歷遂令結交朋友立會開堂光緒十四年春間在潘均可家會遇張玉振並在逃之郭金典李得明昔存今故之張保安等告知奇異均各拜服結爲兄弟推該犯爲會首堂主創立仁義會後改爲龍會自名爲終明王僞號分授張玉振爲偽總兵潘

均可爲僞銀殿候令張玉振等刊刻木印做就黃布令旗分給執照與張玉振等陸續散過一百餘張後與潘均可等屢謀聚眾滋事未成又會過張飛鵬給與僞職編得號票散放亦未聚成等語質之夥犯張玉振潘均可供各相同查驗起獲各件語多違悖查該犯宋金龍自稱生有奇異軀敢煽惑多人立會開堂分授僞職散放執照號票冀圖聚眾滋事實爲首惡渠魁張玉振潘均可二犯甘心入會得受僞職或有刊印散照或與屢謀滋事亦屬同惡相濟罪不容誅奴才於審明後卽飭司督同營縣恭請王命將該犯宋金龍張玉振潘均可三犯綁赴市曹卽行正法傳首犯事地方懸竿示眾以昭炯戒在逃之袁秀臣等通飭所屬一體嚴密查拿按名弋獲究辦起獲僞印旗紙各件卽行銷燬並出示曉諭被誘入會愚民均准悔過自新呈繳執照號票卽予免究現在地方安堵如常伏查此次宋金龍等立會開堂散放僞照屢圖滋事業經誘惑多人在事文武員弁購緝會合密拿得以將首要各犯擒獲消患無形不無微勞足錄自應按照部章從優請獎以示鼓勵其次出力員弁由奴才酌給外獎不敢稍涉冒濫 上諭裕寬奏拿獲首要會匪訊明懲辦請將在事出力員弁獎敘一摺本年二月間會匪宋金龍在河南省城附近地方藏匿經總兵楊鴻禮等會同練兵營縣跟蹤追捕在祥符縣境內將該犯拿獲並續獲夥黨張玉振潘均可二名訊據供明立會開堂分授傳號屢謀聚眾滋事未成當卽正法現在地方安靜如常辦

理尙爲妥速所有在事出力之南陽鎮總兵汪廷桂著交部從優議敘署河北鎮總兵楊鴻禮著賞加提督銜卽補副將參將用著著俟補副將後以總兵記名簡放署開封府事南陽府知府濮文進著俟升道員後賞加二品銜知府用候補直隸州署祥符縣事永成縣知縣沈傳義著免補直隸州知州以知府在任補用著通許縣事試用知縣魏一德著歸候補班補用都司用儘先守備清化汛千總王萬清著免補守備以都司儘先補用並加游擊銜外委李鴻勳著免補把總以千總仍留撫標右營儘先拔補撫標左營候補外委張英祺右營候補外委楊福均著免補外委以把總仍留原標儘先拔補在逃之袁秀臣等仍著裕寬通飭所屬一體嚴密查拿務獲究辦毋任漏網餘著照所議辦理該部知道○追予故江蘇蘇州府知府王仁堪列入國史循吏傳○乙未大考翰詹○諭長萃等奏查出彌封謄錄書手舞弊情形請交部審訊一摺據核謄錄所書手李冠廷與彌封所書手于慶雲互冒姓名搜出該書手來往字跡並有應試士子姓名二十六人據供係未入場時受人轉託代辦謄錄因場規嚴肅未敢辦理查該各硃墨卷並無改易之處其爲辦理未成似屬可信惟該書手等是否另有別項情弊請旨交部審訊至該二十大卷可否免其扣除等語所稱查出冒名舞弊之李冠廷等均著交刑部審訊務得確情按律懲辦其應試士子二十大人試卷著卽扣除○諭御史鍾德祥奏請飭各省督撫嗣後不得爲新中舉人給咨代結

以杜冒濫取巧等語著禮部議奏○諭長順奏請將捐資創辦團練之已革佐領丁壽銷去永不敘用字樣等語丁壽前於光緒三年經護理吉林將軍銘安等以性情狡詐不遵約束委捕賊獲聚匪奏參革職永不敘用該將軍輒爲懇情銷去永不敘用字樣著不准行凡永不敘用之員皆係獲咎較重不堪任使何得遽爲乞恩預爲將來開復地步嗣後各省督撫於此項人員概不准保請銷去永不敘用字樣以昭炯戒而杜賡緣○鍾德祥奏翰林人員擁擠停滯過甚其中編檢清濁不齊不患其無文而患其無行聚而置之閒散則詭激賡緣奔競曖昧不能保其無有甄別之際亦多可錄之才然則欲及時疏通不可不預爲議及矣伏查康熙三十七年左都御史吳泗疏陳翰詹升轉擁滯請變通以收實用欽奉聖祖諭旨以爲極是雍正元年 世宗特諭翰林編檢幾至二百人著內閣大學士會同翰林院掌院學士秉公甄別擇其才可當科道道府者一一具奏於是編檢之內外轉補者歲不乏人矣現在翰林院編檢將多至三百餘員擁擠已極按資開坊恐二十年外尙難希望是以光緒十八年吏部遵 旨嚴復股李堯奏翰林人員沉滯請數職變通疏內以修撰編檢例無知府升階若以知府截取名實不符擬就京察一等人員內歷俸已逾十年者准其以知府呈請分發等因當蒙 諭旨依議欽遵在案原冀從此可漸疏通乃數年以來翰林擁擠如故何也以當時吏部所議仍未得體要也夫 國家立法之初不爲

翰林人員例定裁取者原所以優待詞臣不拘之以職司而故示限制查康熙二十八年編修李潛檢討汪楫等皆奉 聖祖特旨破格外用知府乾隆八年以後復屢奉 高宗諭旨編修檢討有能勝知府之任者大學士會同掌院學士揀選數員交吏部帶領引見則不獨感戴 上恩之曠蕩實卽以明擢用之無偏待之者優卽所以用之者重本不同別京員之必須計俸裁取爲也然則吏部前議必京察一等必歷俸十年當日持是說以進諸部 臣者此之謂刀筆吏不知大體名爲變通其實陰爲抑勒仍與廢格無異 臣見近來有註銷分部主事而願大挑知縣者則進士爲不足顧有初留館之編修不待考差而報捐知府以去者則翰林亦不足顧以今古清華之選竟坐視其悵淖底滯而不爲之所揆諸闕門籲俊之聖心必有大不忍者況今日仕途擁雜異說蠱起功利夸詐苟得無恥之徒可以冒濫紳笏獨此科名一途以異等者取之以充散者繁之至共擬爲可有可無之數何以開功名之路而發可用之才合無仰懇諭飭吏部再爲妥議實在可以疏通翰林人員章程奏明請 旨施行無得拘牽舊例自護前說夫例也亦自 朝廷因時裁定之耳何不可變通之有 上諭御史鍾德祥奏翰林人員積過甚請飭部妥議疏通章程等語著吏部議奏○丙申諭刑部奏遵旨嚴審盜犯及解差看役罪名一摺近來各省發配人犯脫逃甚多亟應從嚴懲辦著照部議嗣後軍流各犯脫逃來京如罪止加等調發及枷號鞭責仍發

原配者軍犯監禁十年流犯監禁五年如流犯逃後復犯罪在徒流以上者亦著監禁十年其各省軍流盜犯亦照此年限一律辦理至押解罪犯如依法起解軍流人犯偶致疏脫限滿無獲者著於本犯各罪上減三等定擬餘依議經此次嚴定章程各該督巡務須督率地方文武嚴飭兵役將前項人犯認真看守毋得仍前疏縱以肅刑章○丁酉諭近來辦理工程該匠役人等往往聚眾把持向工頭勒討重價不遂所欲卽相率停工仍照舊說索飯食甚至關禁勒贖奪犯傷差種種狂悖情形深堪痛恨若不嚴行懲辦何以肅法紀而靖兇頑本年夏秋開辦各工尤關緊要著步軍統領衙門順天府五城一體出示曉諭工匠人等嗣後務須安分守法痛改前習倘怙惡不悛再犯有上項情弊卽著按名嚴拿送交刑部從重治罪決不寬貸○戊戌諭每歲春秋大祀中祀致祭之期朕已次第親詣行禮至聖先師祀典最重本年八月初三日致祭文廟朕親詣行禮以申誠敬所有應行典禮該衙門謹敬預備○己亥諭前據御史李慈銘奏編修陳鼎等素行詖邪不知自愛當經諭令麟書徐桐嚴查察看詞據奏稱俟查有實在劣跡再行據實參劾茲復據奏留心察看陳鼎費念慈周錫恩陳光宇四員現供館職兼有編纂各差尙無貽誤該御史所參詳加訪察亦無實據可否銷去察看字樣一體與考等語陳鼎等既經查明並無實在劣跡卽著銷去察看字樣照舊供職所有考試翰詹及試差均著准其一體與考○諭步軍統領衙門奏

特參地面官疏防盜案限滿逸犯未能全獲請旨懲儆一摺京師內城地面疊出盜案經福錕等勒限嚴緝迄今日久仍獲盜犯李漢臣王洪等二名本日已據該衙門另摺具奏降旨交刑部審辦其案內逸犯多名尚未弋獲捕務實屬廢弛正藍旗滿軍署委協尉榮光署捕盜步軍校榮連步軍校文瑞鑲白旗漢軍副尉崇敏捕盜步軍校樂勝步軍校多魁鑲白旗滿洲署協尉奇克慎捕盜步軍校德斌奎緒委步軍校恆庫均著交部議處正陽門門領德勝門千總常福門吏扎拉罕於盜犯運贓出入未能覺察亦屬疏懈著一併交部議處以示懲儆該部知道○福潤奏前准會典館咨頒發欽定輿圖格式行令測繪省關並府廳州縣圖各一分附以圖說送館核辦等因當經前撫臣張曜暨奴才先後行司遵照辦理派前候補知府現官過缺題奏道恩銘爲提調候補知州蔣楷劉其偉候補知縣洪爾振大挑知縣王揚芳卽用知縣王大培揀選知縣王翰霄等分司纂修校對講求儀器妥議章程並遴選精通測算熟習天文兼工繪事之員紳分投各路測量度以辨高下正日影以定東西參以地球疆域之分合以天度盈縮之數考核旬稽務歸至當其犬牙之相錯經緯之縱橫必使井然有條秩然不紊蓋輿圖爲國家考證所資亦於行政治民大有關繫必須精確無差方能有裨實用也山東爲文獻之邦山鎮數澤備載周禮爾雅諸經唐之淄青平盧天平泰甯宋之京東東路京西西路皆爲中原重鎮幅員所暨西接宋衛南通江淮

渤海週環河濟灌注且密邇畿輔拱衛神京形勢攸關職籌宜謹該員等尙能核實考究不憚煩勞自光緒十八年八月起至本年正月止將與圖表說一律告竣計全省圖一府直隸州圖十二州縣圖一百有五其各州縣沿革疆域天度山鎮水道鄉鎮職官皆依格式立表省府直隸州總圖之後各附說一篇圖之計里開方表之條屬件繫均謹遵 欽定與圖格式分別仿辦黃河運河海疆本擬另爲一圖因查黃河業經河南撫臣倪文蔚前河東河道總督臣吳大澂繪有三省全圖至爲精審運河則各府州縣散圖中均經詳載毋庸另繪海疆現築砲臺尙未竟功控扼規模應俟造成補繪據藩司湯聘珍詳請具奏並飭據濟南等十府二直隸州暨歷城等九十九州縣呈送志書各一部復聲明鄆城濮州高唐益都嘉祥邱縣六處志書俟催取到日再行呈送等情奴才逐加查核測繪尙爲合法圖說亦屬詳明除委員齎送會典館外所有山東全省與圖測繪完竣緣由謹恭摺具陳伏乞 聖鑒下所司知之○庚子 上詣 奉先殿 壽皇殿行禮○諭軍機大臣等此股匪負隅自固出沒無常屢經拒抗官兵勢甚猖獗若不乘其初起之時迅圖撲滅必至蔓延爲患著王文韶譚鈞培添派得力員弁厚集兵力審察地勢奮力追剿以期掃穴擒渠勿任此輩彼竄一面解散毋從以孤匪勢川滇剿辦情形著隨時馳奏以慰廑系○王寶瑜前據御史劉恩溥奏各省卓異人員升途較隘請飭部量爲變通並將卓異人員申明舊章調取引

見各摺片當經諭令吏部議奏茲據該部查明定章擬奏道府卓異人員應否錄用朝廷自有權衡若州縣卓異升途本寬且均係現任照例升轉亦無壅滯之虞若後補班升用則無缺候補之員未免偏枯亦不足以昭平允其明保人員如奉特旨以何項官階升用到省後仍由各督撫酌量補用並無統屬各項明文是特旨班次與卓異人員升途並無妨礙該御史所請變通章程之處即著無庸議至卓異人員應行按照定限送部引見一節著該部申明舊章通行各督撫一體遵照倘該員無故逗遛或承辦要件該督不依限奏咨即著照例分別議處其俸滿人員並著一律查照定例辦理○瑞洵奏文武官員舊有勞績例得邀獎所以勸有功也有在事出力稍次不得列保者斷無未曾在事轉得列保者乃以奴才所聞則人不然方各省之查辦保舉也工於謀幹者一得消息即生覬覦其不能直取者則懇懇官至交轉相乞請當事者礙於情面亦遂曲徇其求私兩朝違薦刻夕登請屬公行視同常例其有此處出力方保過班而他省著績又請加銜者筭儲前易官已三遷戶庭未離人且萬里實績營之捷徑鬼蜮之狡謀矣夫爵賞冒濫則真才扼腕愈壬微幸則志士灰心且封疆大吏恃賞罰以激勵人材先涉徇私何以服衆近年正途淹滯京秩尤艱或藉青而徇困曹郎或高第而久沈詞館而此附保者徒以一二有力者之推挽便可坐臻通顯頡頏清途倘竟遂其貪饕假之地位不但有妨賢路並將貽害民生現當整飭

官方嚴核保舉之時此種弊端或爲部臣之所不及料伏懇 嚴旨申諭各省督撫將軍都統及邊疆大
臣遇有保案秉公核辦不准仍前濫保以重名器而杜倖進其實在出力人員並應事先聲明勿許隨後
補報以嚴稽核庶取巧者無敢生心任事者益思圖報似於吏治軍謀不無小補 上諭國子監司業瑞
洵奏邊陲外省濫保積弊請旨嚴禁以杜倖進一摺近來各省濫保之弊屢經降旨嚴飭無如積習相沿
原保大臣瞻徇情面其附名濫列者仍復不少如該司業所稱未曾在事出力轉相乞請濫登薦牘竟有
兩處同時並保者種種情弊深堪痛恨著通諭各省督撫將軍都統及邊疆大臣遇有保案務當秉公核
實不准稍涉冒濫其實在出力人員均應恪遵部章先行奏咨立案嗣後各項保獎著吏兵二部嚴行查
覆有一名不符者即將全案駁回以重名器○甲辰諭張煦奏解犯中途脫逃請將地方印委各員分別
參辦等語據稱署山西托克托縣通判試用知縣許泗鴻門丁康桐山等被控弄弊詐贖一案當委試用
巡檢聯恩前後提解行抵忻州宿店乘機逃脫此案山米秉義均係案內要證該印委各員宜如何小心
防範乃竟任令逃逸非尋常疏忽可比且難保無情囑賄縱情弊試用知縣許泗鴻著暫行革職歸案質
訊試用巡檢聯恩著先行摘去頂戴勒限嚴拿此案山米秉義等務獲究辦該部知道○諭本日據順天
府五城御史奏分別停止裁撤粥廠各一摺京師入春以來連得透雨正當播種大田值此農忙之時自

宜遣散歸耕轉瞬天氣炎熱積集蒸熱尤恐易滋疾疫所有順天府五城分設各粥廠均著一律裁撤停止其就食平民並著分別酌給口糧妥爲遣散毋任失所○諭前因駐藏大臣奎煥奏參四川雅州府知府楊志文於派辦事件任意延誤當諭奎煥派員押令迅速回川聽候諭旨該員輒敢在藏逗遛分遞稟詞曉曉辨訴實屬膽大藐抗著志文著卽行革職仍令回川聽候訊辦

夏四月丁未朔時享 太廟 上親詣行禮○許振祿奏 臣承准軍機大臣字寄光緒二十年三月十二日奉 上諭前據許振祿奏查勘永定河上游情形擬設立河防局派臬司周馥等辦理河務當諭令該河督會商李鴻章將河防局事宜督飭周馥等認真經理現在辦理情形若何蘆溝兩岸建築減水石壩何時可以竣工此外應辦各事如已與李鴻章商議就緒卽著李鴻章督飭周馥等妥爲接辦刻下已屆桃汛豫省河防緊要著許振祿將經手事件移交後卽回本任毋庸來京請訓將此各諭令知之欽此臣等當卽欽遵無任感悚拯饑救溺勞視民如傷之 聖心仰往雲來極使臣以禮之 恩過 生存莫報淪浹滋深伏念此次永定河工竣 聖主不惜鉅帑俯採微言將爲未雨之綢繆遂有沿河之興作臣等懷遵 恩劑審度要工思積弊不可不除則人事必當曲盡所愧才識庸下未有裨益至於培壘添埽分水浚川則從來修防諸策不過如此但能實力奉行未必遂無寸效所幸督 臣等籌思補救不遺餘力既

有時投之以機宜復資各路之保固而河防局司道皆分職經營異常奮勉將來大汛屆期而修守差有所恃不似向來之財力均有所不足也蘆溝建築右壩其工本極繁重然必求分水而不奪溜此事亦費圖維早經臬司周觀察數月操勞率同候補道寶廷聯終日監工限四月告成大約若遇風雨其竣工亦不出五月中旬此壩一成則上游殊有憑藉至兩岸工程不僅南上北下著名大險昨經大順廣道吳廷斌永定河道萬培因逐處查勘其可危可慮者不下數十處併有純沙無土之堤目下欲求保守不得不概行培補惟此時辦公至難計增添稽料必另購千數百垛之多方能添堵防險向之每垛料價不過三四十兩今則增至一倍委員四出採買維艱然又必趁大汛以前概為辦足又苦純沙無土之地則堤岸一無可恃必應埔外加埔多壓膠土而取用膠土又連在一二十里之外車價夫工所費不貲現在撙節估計凡應培補之工料實應需鉅款又兼以工代撫督臣嚴於籌賑款內支發臣等以保險為急恐少緩則誤要工先事防維隨時提用萬不敢一字虛飾而在吳萬二道領此專責已極為其難矣下游急應疏治督臣已飭司道估計刻日興工其裁灣取直之浚船則由候補道張蓮芬經理正在試用以何等之船合宜卽行迅速造建凡諸工作皆能各任所難各趨所急以力圖保固而後已此臣等近日商辦河工之情形也臣於永定河務地段生疏而識力又極短淺無能贊助愧負實深幸賴諸司等稟承督臣指畫方

略可以奮力程功務臻穩固伏乞 聖懷請寬 慈鑑臣頃無經手事件本可遵 旨卽回惟臬司周馥正值辦理秋審亦是緊要公事 臣屬其回署辦理俟該臬司四月初旬事畢回工以後墾工防務卽由 臣督飭周馥等妥爲接辦會同各道認真查催其添增造船須時與該道會商辦理 臣俟運河各事稍爲布置再行回任得 旨如所議行○唐炯奏 臣於上年七月曾將貴州礦山被災尤重採辦京鉛情形奏明在案查礦山廠向來煎煉皆在威甯縣運煤炭而下江毗連威甯運腳較省民間皆由廠運礦至下江煎煉故常年下江一處鉛鑪多至一百數十座每月出鉛不下十萬斤自十七年以來連歲災荒米糧踴貴鎮民折本全行歇業體察情形該處竟無從調劑竊念煤炭爲煎煉最要之物北海距礦山較下江爲近因飭公司於北海查勘山脈試開煤廠幸八月後見功煎煉合用復飭公司沿山修路製造牛車往來拉運以便移炭就礦移礦就炭直至十一月一切始行就緒合計礦山北海兩處月可出鉛十萬斤始將貴州京運癸巳白鉛五十萬黑鉛四十萬辦出解交貴西道委員收齊 臣已咨明貴州撫臣由撫飭司委員解運並飭公司於威甯昭通毗連之銀爐河龍街等老廠設法調辦倘得年歲豐收鑪座自可漸次增添下部知之○戊申以黃金福爲雲南昭通鎮總兵○李鴻章奏 臣欽奉光緒十九年十二月初二日 寄諭都察院奏順天文安縣生員張作良等以水患太甚懇挖新河以救民命等詞繪具圖說赴該衙門呈

遞據稱西淀居九河下游夏令各河盛漲淀水無路宣洩爲各州縣巨害請添設橋座開挖新河庶幾水患可除等語所奏是否可行著李鴻章體察情形妥議具奏欽此臣查張作良等於上年十月間來津具呈當飭清河道天津道會籌妥議尙未稟覆欽奉前因仍飭該道等據派熟悉水道地勢之員逐細踏勘妥議詳覆並分行各州縣邀集聯名遞呈之舉貢生監等各就近隨同委員前往指證形勢剖晰利害以憑核辦該道等遴委候補同知章兆馨候補知縣何芳樸馳抵大城縣測量子牙河水勢現深七尺坎高水面四尺共深一丈一尺河口至堤東長二百七十丈較河口低三尺堤西較堤東低三尺自西堤起經由臧莊至旺只村長一千丈較堤西低五尺由旺只村至流標長一千二百丈較旺只村又低二尺統計較河口共低一丈三尺以子牙河底較之尙低二尺自流標至郭堤長一千五十丈與文安大澤相平又自郭堤至雙竊長六百三十丈低亦相等該處一帶村莊當子牙河水漲出槽尙不免漫淹爲害若另開新河歸入子牙則水勢倒漲直如高屋建瓴奔騰激注後患何窮又至文安縣勘得自雄縣入境之龍潭灣起經由新村至趙王河計長八百七十丈其河寬四尺深一丈餘趙王河至花木廠長四百丈其廠南間有河形二里餘自花木廠經由林近村河家務至孫氏村共三千九百四十九丈與大城交界各段亦間有河形高低不一惟文安地勢較之任邱雄縣大城各鄰封低窪形如釜底竇無出路可籌又至雄縣

勘得自任邱交界荷各莊西起經下村至烹耳灣南過堤口接文安縣界止長六千六百丈高窪不等五
官淀東西兩邊地勢最高淀居其中形如坑塢勢必不能開挖新河一經開挖則烹耳灣一帶附近淀水
各村莊均受其害又赴任邱縣自古佛堂起經鄆州之荷各莊至五官淀按段勘測量地勢不能順流
而下先是該縣一百七村紳民李文福等以張作良不明地勢妄請開河加害鄰邑等情稟請勘詳該員
等勘明情形核與稟詞相符至原呈列名之霸州文生吳文元差傳未到容城縣武生張景春查無其人
清苑縣文生臧士芬游學外出傳訊高陽縣文生孟繼宗民人苑玉琯供係張作良兩約列名並未親身
赴京伊等不諳形勢無可指證文安縣文生陳環瀛等保定縣拔貢李誠中任邱縣文生果源等蠡縣
文生楊際春清苑舉人臧士果容城縣武生孔繁雲安肅武舉崔爾春多與張作良並不識面其在京請
開新河委係捏寫姓名朦混呈請該紳民並不知情雖縣職員張力田等且以張作良捏稟開河害及鄰
境先期稟訴大城縣生員魏景陶等亦以開河有害指證甚力各處紳耆敢謂新河不宜開挖眾口同聲
安州文生劉國鈞等安州鄉文生楊金波等雖知下游開挖新河伊等地處上游水患可減但因地勢不
宜亦無異議惟張作良不服開導一味狡執謂大城高於文安可從深開挖復請以子牙河現時水勢尚
高於堤外二尺有餘倘經開挖水勢從高灌下何以禦之張作良理屈詞窮無可置辯該員等會同各州

縣稟道核議詳覆前來臣查開挖新河有關州縣數百萬生民利害必須統籌全局合上下游地勢輿情一無窒礙方能定議該生張作良稟請開河之處係從任邱十二連橋以南古佛堂之上下再開橋一座使水由鄆州或由太平橋東之宗家灣均經荀各莊東入雄縣之五官淀下達文安之龍潭灣田家溝大城之郭堤村子牙河村導入子牙河無論工段過長經費過鉅且將千里堤決破引注西淀之水南北橫流與康熙年間奉旨建堤本意大相違背輕改舊制貽害滋多況鄆州以北最為窪下荀各莊以南地又高仰五官淀之中形如坑腹烹耳灣以東文安之南大城之北步步登高地勢水性均不相宜而子牙河口與大城旺只村逐一測量相去尋丈倘將新河開挖則子牙立見倒灌西淀與子牙河兩水並注在雄霸保文大各州縣永成澤國欲除水患而爲患滋大又查古佛堂距七里莊僅止數里宗家灣距古佛堂亦僅數里道光初年紳民請於七里莊開河經御史張元謨奏請不行此後雖據紳民陳請均經議駁今張作良復興此議勘度地勢體察輿情均有不順該處紳耆均稱開挖新河上游州縣未見其利下游州縣均受其害委係窒礙難行應請毋庸置議張作良不明形勢以一人臆見妄請開河並敢捏寫多名危言聳聽實屬不安本分應將文生斥革交該地方官管束以儆效尤其被函約列名及被捏寫姓名之紳民均應免究上諭前據都察院奏順天文安縣生員張作良等以水患太甚懇挖新河等詞赴該衙

門呈遞當經諭令李鴻章體察情形妥議具奏茲據奏稱該生員張作良稟請開河係從任邱縣等處上
達文安大城導入子牙河將千里堤決破輕改舊制地勢水性均不相宜倘將新河開挖則子牙河立見
倒灌自任邱以至大城各州縣永成澤國各處紳耆敢謂不宜開挖並據查明原呈列名之文生陳環瀛
等均係張作良捏寫該紳民並不知情等語任邱等處開挖新河既據李鴻章派員查勘地勢民情均有
不順卽著毋庸置議文生張作良不明形勢妄議開河並敢捏寫多名危言聳聽實屬不安本分張作良
著卽斥革交地方官嚴加管束以儆效尤餘著照所議辦理該部知道○李瀚章奏查上年冬間韶州府
英德縣羅坑山內有匪潛匿因南韶連鎮總兵方友升調度失宜專派游擊鄒潤材管帶營勇督同在先
派往之守備劉居德上緊查拿當經附片奏明在案其時聚匪漸多傾巢出竄過鎮標隊伍於曲江縣之
白土村恃強抗敵互相殺傷哨官李春亭死之匪勢至是益張並圖勾結英德縣青塘土匪滋事鄒潤材
督隊急馳追獲要匪吳觀就等多名匪黨李佑順等竄至乳源亦被該縣拿獲匪首蕭單眼卽蕭金煌因
追兵甚緊各縣團防圍逼青塘匪徒不能接應其得力夥匪又多被拿乃解脅從獨率死黨數十人竄至
乳源之牛背嶺攻奪李姓圍樓踞爲巢穴向外施放鎗礮以拒官兵扣留事主挾與同住我軍恐傷事主
不忍以火器猛攻因卽築柵掘壕以困十二月二十三日天寒陰雨鄉間材料賊必竄嚴爲戒備該匪等

果於是夜毀牆而出鄭潤材親督所部於風雨泥淖之中衝冒鎗礮四面兜拿當將匪首蕭軍眼擊斃並格殺匪黨十一名生擒匪犯葉福春等二名指認已死各匪戮屍爲示餘匪乘夜逃散復拿獲青塘墳匪王三槐等三名全股悉平地方靜謐居民同聲稱快時周年終南雄州與江西交界之處聞有匪徒游弋臣檄鄭潤材就近移師往捕酌留勇隊查拿餘匪該游擊於本年正月初四日馳抵南雄州匪徒聞風竄跡拿獲黃逢林張永周二名交州審明正法因查南雄始興二州縣向有匪村聚則爲盜散則爲民現雖畏兵暫避終恐死灰復燃更恐羅坑青塘逃匪潛匿其間卽與該管鎮道府縣各員會同籌商挨次查辦南雄之瀝坪村常有庇匪抗官之事卽從該村入手正月下旬兵到駐紮諭令交匪仍復恃強違抗正月二十八日該村匪徒各持鎗礮擁而出競向勇營猛撲鄭潤材揮兵迎擊格殺匪犯邱春芳等二名拿獲譚成發等十四名內有譚辛才等三名係在江西大庾縣行劫之犯當卽解交歸案訊辦其餘各犯均交南雄州收訊仍勒令紳耆查明如有未獲著匪分別緝送指拿候瀝坪村事竣再赴始興縣查辦據南韶連鎮道及游擊鄭潤材等先後稟報前來臣查羅坑匪徒其初未甚猖獗方友升張晏於前因循於後以致聚黨日多勢乃漸大近有青塘土匪與爲應援連有南雄始興各匪村觀望思逞若不早爲撲滅則旬結連衡擾及數邑貽害何堪設想游擊鄭潤材當匪勢力熾之時督隊追捕設法圍攻俾其輟悍賊不

日獲擒爲韶州各屬去一巨患甫經竣事卽馳赴南雄芟夷伏莽除夜元旦未敢少休車聲所及盜賊喪膽現仍力圖善後挨查匪村冀爲地方防濫殲穢以保良民而靖邊圉其督隊之勇任事之誠在營中洵不可多得似應量予獎勵以資觀感 上諭李瀚章奏韶州南雄等處匪徒滋事派隊剿捕情形請將出力營官獎勵一摺上年冬間廣東英德縣羅圻山內匪徒聚黨潛匿經李瀚章飭令游擊鄭潤材等營勇查拿該匪傾巢出竄在戛江白土村地方恃強抗拒並勾結英德縣青塘土匪意圖滋事鄭潤材督隊追剿擒獲要匪吳觀就等多名匪首蕭單眼卽蕭金煌率黨竄至乳源縣之牛背嶺攻陷砌樓踞爲巢穴該匪被官軍圍困乘夜出竄鄭潤材親督所部四面兜拿當將匪首蕭單眼擊斃並斃匪多名生擒匪犯葉羅春等二名及竄匪王三槐等三名全股悉平鄭潤材復往南雄州濠坪村查辦匪徒擊斃邱春芳等二名拿獲譚成發等十四名分別懲治辦理尙爲妥速儘先副將南韶連鎮中營遊擊鄭潤材著以總兵補用其餘出力員弁准其擇尤彙案請獎毋許冒濫仍著李瀚章等飭令該管地方文武員弁認真巡緝緝靖閭閻勿稍鬆懈該部知道○己酉諭軍機大臣等吳大澂奏油羅山續起會匪派營擊散並擊獲逆首洪北海正法一摺據辦湘鄉邵陽交界地方匪首彭十五等聚黨千餘人張貼偽示經吳大澂派令總兵歐飛林等督勇進剿陣斃匪首趙十七卽黃選一名餘匪擒斬頗多彭十五率黨逃逸仍著吳大澂飭令

派出各營及地方文武將在逃匪首彭十五嚴拏務獲毋任漏網並將各處匪黨迅速搜捕淨盡毋留餘孽以靖地方○庚戌大祀 天於 國丘 上親詣行禮○上幸頤和園詣 慈禧端佑康頤昭豫莊誠壽恭欽獻崇熙皇太后前請安○還宮○德馨奏 臣接准軍機大臣字寄光緒二十年二月二十八日奉 上諭吳大澂奏會匪聚眾滋事調派防營會剿一摺著德馨派撥官兵馳往邊境嚴密防剿以杜竄越其永甯一帶餘匪著一併搜捕淨盡毋任漏網等因欽此遵查湖南慈利縣會匪鄧世恩等潛匿江西龍泉縣邊界大小井地方勾結該處匪徒黃三祥等聚眾豎旗起事於本年正月十二夜圍攻永甯縣城經該縣知縣劉恭會營督率兵團固守克保危城並率隊出城剿捕陣斬匪目數十名擊斃總匪首李亞四及匪黨多名生擒帶傷匪首鄧世恩等奪獲旗幟刀矛鎗礮多件並先經 臣調派剛字營營官補用參將申得祿酌帶勇丁馳往會剿業將辦理情形據實奏報聲明獲匪李安輝等十五名訊明皆甘心從逆隨同攻城開錄姓名供單即日分別處斬以示酌留匪首鄧世恩並擒獲要匪及脅從共九名飭吉安府確審稟辦在案茲據吉安府知府許道培提犯訊明錄供開摺稟報並將起獲木質偽印等件解驗前來聲明匪首鄧世恩解至廬陵縣屬高塘墟地方中途因傷身死已飭廬陵縣驗報並據永甯縣稟報脅從餘犯何永廷顏林芳均因傷病身故各等情 臣查此案匪首鄧世恩自稱導逆洪秀全餘黨創立天地會多年邀夥

入會其衆並僞稱二府天王因其子鄧桂閣由湖南鄧縣獲辦帆起意糾夥劫獄殺斃永寧兵役圍攻永寧縣城實屬謀反叛逆罪大惡極雖已因傷身死仍應到屍示衆以彰國法而快人心匪首劉奇幟卽劉奇古謝成典謝牛皮各充會長督率隊伍執旗指揮匪目劉廟英幫匪勒人進貢匪夥廖義才幫匪挑送火藥皆隨同攻城均屬甘心從逆法所不容當經臣批司轉飭吉安府知府許道培督縣會營提犯劉奇幟謝成典劉廟英廖義才驗明正身綁赴市曹就地分別處斬梟首並查起鄧世恩屍棺開報戮屍梟首一律解往犯事地方懸竿示衆以昭炯戒至陳唐保一犯爲匪打造軍器隨同攻城罪有應得惟因該犯供指之楊朝端一名已經永寧縣稟報拿獲應飭該府行提楊朝端到郡再行質明另辦已獲之廖義順爲匪幫挑包袱並未隨同攻城情稍可原應飭遞回永寧縣監禁五年俟限滿由縣查看報明辦理此審明圍攻永寧縣城匪犯分別懲辦之大概情形也伏查此次會匪聚衆攻城滋事雖經該縣營督率兵勇當時擊散陣斬生擒匪首及匪黨多名而吉安府屬之龍泉永寧永新蓮花各縣屬處處與湖南邊界毗連犬牙相錯該處山深林密道路紛歧深恐有餘匪潛匿暗地勾結且探聞湖南武岡州一帶有匪徒聚衆數千人肆行強劫意圖滋事業經湖南撫臣調派營勇馳往剿捕一經官軍追剿難保不彼拿此竄自應派撥營哨馳往邊界駐紮巡緝以資防範當飭統帶剛字全軍兩江題奏提督申道發督帶所部勇

丁前往會同各該地方文武員弁入山搜查並於邊界擇要駐營巡防仍責令各該地方紳族嚴查出結不准容留匪類有犯卽行緝送至愚民被誘誤買票布勒限一月內自首繳布免其治罪註冊以解散其脅從倘懷疑觀望卽係甘心從逆以及自首後復犯者均卽從嚴懲辦決不寬貸茲據申道發會同各該地方文武員弁登山越嶺於深山窮谷中搜查殆徧除形跡可疑者立卽拿獲交縣審辦外刻下尚無餘黨潛匿屯聚凡邊境各要隘均已相度地勢分別酌派營哨駐紮防範以杜竄越現在各處民情尚稱安謐此入山搜捕解散脅從及分派營哨駐紮邊界巡緝防範之大概情形也總之此項會匪到處勾結煽惑愚民若非隨時嚴查先事預防爲害罔啻實非淺鮮上遇有破獲之案自當督率承審各員及該地方官虛衷嚴緝詳慎定擬如係被脅愚民自應寬其既往予以自新倘審係甘心從逆之犯卽當立正典刑用昭炯戒斷不敢稍涉草率致滋枉縱以仰副我 皇上除暴安良綏靖地方之至意 上諭德馨奏審明圍攻永寧縣城匪犯分別懲辦地方安靜一摺會匪鄧世恩潛匿江西龍泉縣邊界自稱嘯逆餘黨創立天地會多年邀夥入會本年正月間輒敢聚眾起事圍攻永寧縣城當經該縣知縣鄭恭會營剿捕擊斃匪衆多名擒獲匪首鄧世恩及匪黨平安輝等十餘名正法梟示民情現已安謐仍著該督撫飭派出防營及地方文武隨時認真稽查防範毋稍疎懈並將逃匪黃三祥等嚴拿懲辦以絕根株○辛亥劉秉

竊案據甯遠府知府唐承烈稟稱向來開辦礦務並無十分把握未敢遽詳咨部蓋以額解課耗既定不能短少分釐而盈絀靡常數難逆料是以開採一事廠員視為畏途該府開辦會理州白果灣鉛廠迄今試辦年餘業已採解白鉛三十萬斤似有成效應請自去年開採起試辦三年倘能年年如數採解再行抽收課耗按年報部核銷等情臣伏查川省寶川局鼓鑄制錢需用白鉛甚鉅從前每歲以例價銀兩赴黔採買部中有案可稽自前年黔鉛盡數解京不准川中往買無鉛鼓鑄極費周章去年臣令該府於白果灣等處設法勸商開採迄今已有成效雖價值運費較昂尚可勉強鼓鑄當經批准試辦三年限內免其抽收課耗以示體恤屆限照例抽收課耗歸部核銷以昭核實下部知之○壬子吏部兵部會奏光緒二十年二月二十一日奉 上諭近來各省軍流等項人犯往往有途中脫逃及在配所潛逃之事總由地方文武漫不經心或簽差不慎或看守不嚴且有該管員弁縱刑賄縱情弊追脫逃後不過以通行緝捕了事以致該犯等逍遙法外故智復萌再犯之案又復層見疊出積習相沿深堪痛恨著各直省將軍督撫一體嚴飭所屬認真整頓遇有此等案件立即嚴參懲辦不准視為具文其文武員弁應如何嚴定處分盜犯及解差看守人役如何加等定擬罪名之處著該部妥議具奏欽此欽遵到部除逃犯及解差看守人役加等定擬罪名之處據刑部片稱應由刑部另行辦理具奏外吏部查定例所載斬絞人犯脫

逃該管各官處分最嚴至軍流等項人犯中途脫逃及在配脫逃該管各官處分定例較輕今各省軍流等項人犯往往脫逃地方官或簽差不慎或看守不嚴且有該管員弁鬆刑賄縱情弊欽奉 諭旨嚴定處分妥議具奏等因自應欽遵按照加等之例分別駁議查加等議處定例罰俸之例自一箇月二箇月三箇月六箇月九箇月至一年二年凡七等降革留任之例自一級二級三級至革職留任凡四等降調之例自一級二級三級四級至五級凡五等其由罰俸加等者自一箇月至二年酌量遞加止於降一級留任不得加至革留由降留加等者自一級至三級酌量遞加止於革職留任不得加至降調由降調加等者自一級至五級酌量遞加不得加至革職等語 臣等謹按例內原定處分酌量加等其例應革職留任者例無作何加等明文應酌量改爲降一級調用例應革職留任限年緝拿者應請俟限滿無獲分別加等議處例應革職者處分已嚴無可再加仍請照例議以革職謹將原例各條分別開列並將現議加等條款各附於原例之後繕具清單恭呈 御覽兵部查例載斬絞人犯脫逃武職各員處分最嚴應請仍照舊例辦理其加等議處定例罰俸之例自一箇月二箇月三箇月六箇月九箇月至一年二年凡七等降革留任之例自一級二級三級至革職留任凡四等降調之例自一級二級三級四級至五級凡五等其由罰俸加等者自一箇月至二年酌量遞加止於降一級留任不得加至革留由降留加等者自一

級至三級酌量遞加止於革職留任不得加至降調由降調加等者自一級至五級酌量遞加不得加至革職等語惟應行革職留任者並無作何加等明文應照文職議定酌量加至降一級調用例應革職者無可再加仍請照例議以革職又武職例載有降職一級至四級之條應請仍照本例加一等定擬所有各省軍流等項人犯中途脫逃及在配所潛逃其發差不慎及看守不嚴之文職各官既經吏部按照例內原定處分酌量加等武職各員亦應照例定處分加等發議並將現擬加等條款分別開列附於原例之後一併繕具清單恭呈 御覽俟 命下之日卽通行各直省將以督撫府尹一體遵照辦理 上諭前因各省軍流等項人犯脫逃過多諭令該部嚴定文武員弁處分具奏茲據吏部兵部會奏遵旨按照例內原定處分條款分繕清單呈覽著依議行經此次嚴定處分之後著各直省將軍督撫嚴飭文武員弁於押解及在配軍流等項人犯務須隨時認真防範不得稍涉大意倘仍漫不經心致有疏縱卽著嚴參懲處不貸單二件併發○癸丑諭軍機大臣等有人奏劣員盤踞把持公事爲害地方據實糾參一摺據稱三等台吉車林多爾濟久在庫倫無惡不作經前任辦事大臣喜昌驅逐回旗乃該員仍敢盤踞庫倫干預公事擾害地方遍令呼圖克圖遠居他境幾釀命案經四部落蒙古聯名稟報庫倫大臣查辦該大臣被其挾制代爲彌縫各蒙古等不得已遂報烏里雅蘇臺將軍代奏等語所奏是否屬實著永德確

切查明據實具奏毋稍徇隱原摺著鈔給閱看將此諭令知之○命裕德廖壽恆前往四川查辦事件○
甲寅予大考一等之編修文廷式等六員二等之編修王榮商等七十七員三等之編修柯逢時等一百
二十三員四等之編修王繼香等二員升降有差○諭昨日 慈禧端佑康頤昭豫莊誠壽恭欽獻皇太
后臨幸寧覺寺上駟院應備馬匹等項全行貽誤殊屬不成事體所有管理上駟院事務內務府大臣巴
克坦布上駟院卿福森布增潤均著交部議處嗣後該衙門應行預備差使毋得再有遲誤所有該院馬
匹羸瘦並當加意餵養一律贖壯不准以疲弱充數致干重咎○諭昨日召見新授四川鹽茶道王銘詢
以公事多未諳悉不勝道員之任王銘著開缺以同知歸部銓選四川鹽茶道員缺著張元普補授○乙
卯兩○丙辰諭廕銘等奏軍臺廢員二次在配脫逃請旨飭緝究辦一摺已革防禦文鐸前次由配潛逃
當經拿獲押解到案乃未及半載膽敢又復在配脫逃實屬怙惡不悛該都統等已飛咨鄰境查緝難保
不潛行回旗著馬蘭鎮總兵步軍統領衙門順天府五城一體嚴拿務獲究辦以肅法紀○丁巳方汝紹
奏臣伏讀二月初四日 上諭御史安維嶠奏編檢擁擠太甚請慎重館選一摺所奏不為無見翰林爲
清華之選必應遴拔真才每科會試後覆試殿試期考及庶吉士散館朕於閱卷大臣取在前列者酌量
錄用乃近來閱卷擬取前列等第逐漸加多殊非慎重選擇之道嗣後殿廷考試該閱卷大臣務當秉公

校閱詳慎擬取如有文字平常及疵累之卷均不得濫置前列以杜倖進欽此又讀三月十八日 上諭御史鍾德祥奏翰林人員彙積過甚請飭部妥議疏通章程等語著吏部議奏欽此仰見 皇上慎選詞臣於嚴核之中仍寓體恤之意惟鈔閣原摺所言備敘彙積之情形未擬疏通之辦法謹就愚見所及敬爲 皇上陳之臣維疏通京員之法除京察 記名簡放外祇有保送銓選兩途而翰林無保送之例又無銓選之班十八年吏部議擬前給事中殷李堯條陳准京察一等末 記名者呈請分發乃定章後而呈請者寥寥推原其故一則以自行呈請未免干進引嫌一則以已得上考獨冀下屬列保也查吏部疏通員章程每屆京察之年吏兵工部各保送或取者一人戶刑部保送二人分發外用其保送皆係二等人員部員因此頗見疏通可於翰林院亦仿照辦理請於京察年分 飭下掌院學士在二等人員內擇其才具優長堪勝知府之任者保送十餘人咨行吏部帶領引 見俟奉 旨閣出後卽由吏部註冊分發各省補用如此則出路較寬而積久尚見疏通矣顧或謂知府非編檢應升之階吏部恐拘於成例謂不能與郎中相比第思保送與截取不同編檢一等人員道府並用每有簡放道員者則二等祇保送知府尙不爲過優況每屆三年方保一次且必俟奉 旨閣出以歸實際則保送亦不致太濫似此變通辦理未始非疏通之一法再查編檢內升之途俸深者輪升坊缺俸淺者考升御史由御史升給事中

由給事中升京堂御史二年俸滿以知府截取給事中二年俸滿以道員截取爲途原甚寬也自捐例開而插班太多截取選班遂形壅滯每至考試御史編檢均不願與考良以得御史後雖以知府截取而究無選缺之日也同治初年經前都御史胡家玉條陳將截取道府兩項於例定升選之外議以無論何項到班選過二缺後卽選截取一人吏部名之曰數缺蓋謂數至第三缺卽選到也自此章行而十數年中截取班甚爲疏通卽編檢之考御史亦形踴躍乃近來道府二項記名卽用人多見缺卽儘其選用以致截取人員雖有數缺之名並無數缺之實可否飭下吏部核議將卽用班選過兩人後仍用截取一人在卽用班不過釐出一缺於彼固無大損而編檢可以疏通卽截取班亦不致有名無實矣上諭鴻臚寺少卿方汝紹奏編檢人員擁擠請變動章程並疏通道府截取選班各摺片著吏部議奏○己未諭軍機大臣等上次皇太后臨幸普覺寺應行豫備馬匹究竟因何貽誤著巴克坦布等將實在情形並應得處分之司官等查取職名履參具奏○劉秉璋奏四川地僻民稠風俗強悍秀山西陽等處距省二千餘里與兩湖貴州屬境犬牙交錯山深箐密最易藏奸迭經飭屬整頓團保嚴密稽查並派撥防營分駐巡防以備不虞在案茲於光緒二十年三月初間據秀山縣王令壽松綏寧協副將李忠楷稟報本年二月十七八等日訪聞縣屬宋農地方有匪徒姚復乾父子傳習邪教煽惑愚民糾黨百餘人謀爲不軌

將素有仇隙之謝明春等家房燒燬殺斃謝明春一家三命燒斃二命並將各屍擡入火內燒燬滅跡該縣王令聞信後尅卽會商綏寧協副將李忠楷飛調右營守備張星豹左營儘先都司何文煥督帶兵團會同壽字右營管帶羅昌和率隊馳往捕拿詎該匪姚復乾等住居宋腹隔河之插壁嶺踞山爲寨連日抗拒並於二十三日午後該匪率黨百餘人執持刀矛火鎗直撲下山手斃足跳勢極狂悖經壽字右營管帶羅昌和首先率隊上前鎗礮齊施立將手執令旗首匪羅魁並擊斃夥匪三名割取首級懸示宋腹場首曉諭該匪率黨退回山寨仍敢恃險負隅復經王令會商羅昌和確探匪巢路徑定於二十四日晨早督帶兵團隊勇分三路過河進剿當卽陣斬匪黨十餘名該匪見各路兵勇奮力上攻勢不能支紛紛逃竄而首匪姚復乾等又復率同死黨持械格鬪卽經兵團奮勇上前立將姚復乾等首要各匪擒獲並獲夥匪十餘名逆匪逃散無蹤是役也共擒獲匪黨二十餘名殺斃十餘名奪獲火鎗刀矛標桿多件立將匪巢焚燬查點兵勇團丁共受傷五人現在縣屬地方均已安靖居民復業等情正在核辦間復據署西陽直隸州朱學曾稟報本年二月十八日申刻訪聞州屬草場地方突有匪人劉廷玉等藉吃齋念經爲名傳習邪教誘惑鄉民糾匪多人約期十九日欲鬧滋事附近居民驚惶遷避該州當卽會商西陽營游擊杜發祥把總杜國樑駐防州屬壽字右營哨官嚴思聰會振兵團勇役星夜馳往捕拿詎該匪等

盤踞劉姓院內聽聞兵勇齊到膽敢持械抗拒放火燒燬民房惟時適因秀山縣教匪姚復乾等同時起事四面謠言競起未敢操之過急復經飛調屯團派撥兵勇分往各隘口防禦以杜匪窺布置周妥該州卽於二十一日會同防營督率兵團隊勇直抵匪巢該匪率黨多人執持刀矛器械先將房屋自行放火焚燬一齊擁出迎敵並有數匪手舞足蹈如作法狀相持一時之久該匪等衝圍抗拒殺斃團丁二名並拒傷屯團勇丁多名我軍齊聲鼓譟奮勇向前格斃匪首劉廷玉及夥匪二十餘名生擒匪黨十餘名奪獲小紅旗一桿白旗二桿刀矛器械多件搜獲經卷符表等物一包其被匪燬房地內共燒斃男婦七名口餘匪逃散無蹤居民已陸續搬回復業地方安靜等情並據署理四川提督統領錢玉興暨川東道曾同重慶鎮與管帶壽字右營羅昌和各稟報前來臣查秀山縣係酉陽直隸州屬境地界緊連今秀山縣教匪姚復乾等與酉陽州教匪劉廷玉等同時約期起事均糾匪多人燒殺抗拒追經兵勇剿捕復敢執持鎗械迎陣抵敵實屬蕩法形同叛逆從前川楚教匪初起時剿辦稍遲卽至蔓延爲害蹂躪地方茲幸地方文武督飭兵勇團丁奮勇出力不數日間立將兩處首要各匪悉數斬擒並將從各匪解散地方現已一律安靜辦理尙屬妥速除飛飭川東道就近迅速委員馳赴秀山酉陽二處立將捕獲首要各匪訊明就地嚴辦以遏亂萌而免疏虞其在事出力文武各員并不無微勞足錄可否容臣擇尤請獎以示

鼓勵出自 天恩 上諭劉秉璋奏秀山西陽教匪同時起事經地方文武會營剿捕擒斬首要各匪地方一律安靜一摺據稱本年二月間秀山縣屬宋農地方有匪徒姚復乾父子傳習邪教謀爲不軌經該縣知縣王壽松會同綏寧協副將李宗楷督帶兵團馳往捕拿該匪膽敢率眾抗拒兵勇鎗斃齊施擊斃匪黨十餘名擒獲二十餘名匪勢不支紛紛逃竄立將姚復乾等生擒同時復有酉陽州屬草壩場地方匪徒劉廷玉傳教惑民糾匪多人約期起事經署知州宋學曾會同酉陽遊擊杜發祥等分派兵團往捕直抵匪巢該匪衝圍抗拒官軍奮勇向前格斃匪首劉廷玉及匪黨二十餘名生擒十餘名餘匪逃散地方均各安靜等語辦理尙爲妥速在事出力文武員弁著准其酌保數員毋許冒濫該部知道摺內屢見王令字樣不合奏疏體裁著飭知○庚申命榮毓守護 西陵○辛酉 上御承光殿議國使臣巴爾迪覲見○諭前因上駟院於恭備應差馬匹全行貽誤諭令巴克坦布等查明參奏茲據奏稱因是日遇雨道路難行是以遲誤請將署堂郎中世序交部議處等語該院於 慈禧臨幸要差臨期輒行貽誤非尋常疏忽可比所有署堂郎中員外郎世序暨是日應差各員卽著查取職名一併交部嚴加議處廡長廣泰文鐸文潛廣桂海福均著卽行革職以示懲儆○壬戌允休致人員前理藩院尙書松森等隨班祝嘏○甲子追予故甘肅平慶涇道萬金鏞建祠○以錢應溥署吏部右侍郎懷塔布署左都御史○乙丑諭

長順奏請將廣東試用知府多齡調往吉林候選直隸州知州魏鏞留省分別補用等語吉林現在並無
邊防軍務緊要事件差委不至乏人何得瞻徇情面輒調他省候補及候選人員豫爲將來保獎地步所
請若不准行○諭長順奏本年三月間南山火藥局歸藥房失火轟毀板房傷斃匠役十四名請將該管
員弁分別議處等語吉林南山火藥局因歸藥失火該管員弁未能先事防範以致轟斃多命實屬咎有
應得儘先協領孫超著交部按照奏定章程議處司事把總銜監生鄭蓮生著卽行斥革餘著照所議辦
理該部知道○諭邵友濂奏火藥廠失事傷斃工匠轟毀房屋機器請將該管委員等分別懲處等語臺
灣火藥局失事委員經歷銜監生蕭殿芬未能先事防範著卽行斥革局員福建鹽大使蘇紹良有兼轄
之責著交部按照奏定章程議處餘著照所議辦理該部知道○召沈秉成來京○丙寅 上幸頤和園
詣 慈禧端佑康頤昭豫莊誠壽恭欽獻皇太后前請安○還宮○丁卯以李秉衡爲安徽巡撫○戊辰
召駐藏幫辦大臣延茂來京○予故大學士閻敬銘於原籍陝西建祠○庚午諭軍機大臣等長順等奏
長春夾荒聚眾刁民解散大半拿獲首惡正法暨現籌辦理情形一摺據稱刁民岳殿會劉萬有等聚眾
滋事經長順等派委員弁分赴各鄉甲勸諭十三四甲民衆均知悔悟解散惟首犯劉萬有怙惡不悛與
長文元等進隊彈壓該匪竟敢抗拒襲長文元等督隊進剿陣斃燒斃八十餘名生擒二百餘名當將首

犯劉萬有拿獲正法餘匪竄逃其岳殿會一股尚未解散現在跟蹤追截卽著長順等飭令各營迅將岳殿會嚴拿務獲毋任竄擾一面解散脅從加意撫輯并飭長春府研訊生擒匪黨如有被脅良民卽予省釋以安良習而靖地方將此由四百里諭令知之○辛未諭本日朕升殿傳臚鴻臚寺鳴贊官不候靜鞭鳴畢輒卽鳴贊排班殊屬非是所有鳴贊官著查取職名交部議處管理鴻臚寺事務禮部尙書崑岡鴻臚寺卿承斌劉恩溥少卿溥頤方汝紹一併交部議處禮成時樂部樂章未畢遽行停止亦屬草率管理樂部事務員勒載澍總管內務府大臣戶部左侍郎立山均著交部議處嗣後凡舉行升殿一切典禮執事各官務當敬慎從事不得稍涉疏忽以肅朝儀○賜張謇等二百八十一人進士及第出身有差○王文韶等奏永北夷匪丁洪濱等妖言惑眾糾黨滋擾川滇邊境經臣等於本年二月二十八日將派兵剿辦緣由由驛馳奏在案勞匪丁洪濱等屬聚水頭山魚硯坡兩處不時出巢擾犯嗣知屬屬之稱衙坪空虛遂以另股牽綴阿比里梁士偉之兵分股旁趨舊衙坪以圖飽掠遂由背山出苗力那海新莊肆行搶劫圍眾李浪發率團丁二百名堵禦眾寡不敵力竭陣亡匪黨於正月二十八日乘虛將臨坪之十五里臨將村土堡攻破寨內男婦老幼奔入土舍高關氏寨乞救高關氏本屬夷目出寨曉諭賊目谷總千長不准妄殺漢民經歷蕭仰德聞報飛調外甲團丁四百名並招募鄉勇二百名固守舊衙坪梁士偉亦撥

土勇馳援二月初一日分路同赴藏將村揚言省中大兵已至匪黨不知虛實率眾潰走兵圍跟追鎗斃
與匪十餘名奪獲黃旗二桿擄鎗三桿賊眾敗回水頭山老巢沿途裹脅探獲苗匪焚夥二月初七日谷
總千長復糾黨竄至臘莫塞經河北約長李廣泰楊正發等設計將谷總千長卽谷長受誘擒賊勢少衰
至二月二十八日省城先期調往之參將蘇倫元一軍到防緝得坪人心始定當勞匪之趨犯藏將村也
其分撥山後七地及苗力瓦谷養馬馬之股係北勝土州夷地姜瑞鴻派令土職高履坤調團親往招撫
已將被脅前往水頭山朝佛之勞步解散一半初十日高履坤駐紮皮喇寨匪夷反覆暗通丁洪潰黨與
於十五日襲攻皮喇寨高履坤遇賊被戕隨行之土目把總高可及黃之鳳李如蘭同時遇害匪勢復肆
高履坤者已故勝土知州高長祐之妻無子代夫殉職者也此次遇賊不屈深明大義容俟事竣查明死
事緣由再行奏請議卹梁士偉駐營阿比里探聞匪黨自恃水頭山地險以老弱拒守不時糾率精悍四
出焚掠因商令姜瑞鴻飛調雅州土司夷丁千名又據投誠之黑夷目余拉石馬友有各認調夷丁隨
營贖罪遂派令內哨坪羊武項家嶺規取水頭後山自率千總趙俊山光頭坡進攻直搗老巢夷頭行至
芝刀樹嶺等處與匪百餘人鎗礮齊施匪黨且戰且走經夷丁追捕殺戮始盡夷頭亦陣亡五名帶傷十
七名直抵水頭山匪巢搜出婦孺百餘人詢問丁洪潰下落供稱已遷魚洞坡老巢值馬乘雲之兵已到

商同乘勝進攻魚洞坡二月初七日梁士偉馬乘雲各領所部帶同漢夷團丁由依綠坪放羊坪泉水坪三路齊進以夷目余拉石馬友有余志秋在前向導各軍繼勝附魚洞以徑進剿至半坡天色昏明丁洪滑等俯順我軍矢石交下相拒多時迨山後兵到吶喊仰攻匪黨腹背受敵眾心驚慌兵團奮勇直攻老巢匪黨分路奪命潰竄究以山徑叢雜未敢窮追悉將匪巢焚燬計生擒夷匪十八名陣斬十五名我軍陣亡兵團三名受傷七名拔出被殺老幼夷人二百名訊係川屬長官司及阿土司等處勞羅當由姜瑞鴻資送回籍自將水頭山魚洞坡兩處賊巢攻破丁洪潰吳管事糾集敗匪潛匿白魚潭石崖洞中意圖勾結東山黑勞夢再行滋擾二月十九日馬乘雲梁士偉得報卽商同鎮北營哨弁游擊彭永壽仍令夷目余志秋等前導跟蹤剿捕至二十二日夜半突遇丁洪潰吳管事糾眾由白石崖衝出彭永壽身先士卒奮勇上前兵團齊力圍定兵刃齊施鎗砲從匪十餘名卽將丁洪潰吳管事拿獲餘匪越崖狂竄又據軍功梁堃恩騎尉馮曜先後搜獲假託活佛之偽銀主谷老四及其子偽星主谷雙才等均經派弁押赴永北廳監禁比蘇掄元一軍分紮苗力高寨小皮喇一帶三月初一日該匪分投圍攻小皮喇營盤蘇掄元立卽調隊拔應派左哨馬致和由山路截擊中哨邱運春由箐口直上前哨白自誠由下路仰攻勞匪勢不能支紛紛敗竄我兵簇升而上步步爲營攻克城壘兩座餘匪伏竄巖谷初二日黎明奪獲二保坪

山頭木城一應此見。昨之下為大坪子卽勞匪大寨官軍蛇伏而下一鼓直前該匪抵死抗拒斬獲首級十餘顆鎗傷數十人立將大寨攻克初三日清晨分隊擊破沙灣等處賊營初四日兵至大箐該處勞夢懾我兵威望風悔罪附近村寨亦卽投誠此蘇掄元一軍分別剿撫之實在情形也先是丁洪濱等在水頭山託名活佛出世妖言煽惑該夷有東山九地黑勞夢一種雖從助虐雖該管土目高炳多方開導將所屬之阿喇坪白家箐等處黑夷解散撫定其麥父喇銀礦等處卻被黑勞匪酋王阿路子張管子脅逼爲匪出擾臘木地自是丁吳敗黨附從合夥各種猥夷嘯聚不下二三千人餘焰復張東山袤延數百里背臨星江界連大理府大姚賓川地勢險隘經署雲南提督蔡標續派參將馬柱李福興帶領建威左營戰兵馳往會剿鶴麗鎮總兵今有富亦於三月初一日帶領鎮北營戰兵兩哨前來督同安撫復經道員翁壽鎮會商各營撥派李福興由期納前進馬柱由清驛前進馬乘雲由維沙前進蘇掄元由苗力養馬馬前進劉銳恆俟將金馬莊搜撫事竣亦往會剿梁士偉仍嚴防阿比里以防敗匪回竄現計各路兵力已厚必須痛剿一番殲其兇悍方能帖耳就撫先後據該管鎮道馳報由督後局核明詳請具奏前來臣等伏查勞夢夷匪形同鹿豕頑惡異常其黑勞夢一種兇狠尤甚此次丁洪濱失管事等以妖言煽惑各路夷地聞風響應永北距省萬遠不通電綫文報較遲微調兵勇頗費周章設使剿辦遲延恐貽川滇

兩省邊患驟難收拾茲幸仰仗 天威將士用命兼旬之內次第攻奪堅巢擒獲首要永北驢城及舊衙坪一帶均已肅清現雖餘匪黑夷負固東山一隅各路兵勇四集不難剋期蕩平除委通西道張廷煥馳往永北驢將匪首丁洪濟吳管事谷老四谷雙才等親提研訊滋事緣由卽行就地正法爲示以昭炯戒並飭道員翁壽鏡會同各營將東山黑夷隨剿隨撫毋令日久蔓延外理合先將攻克魚洞坡水頭山匪巢及擒獲匪首丁洪濟等詳細情形恭摺上陳 上諭王文韶等奏剿辦永北驢屬匪首丁洪濟吳管事谷老四等逆派文武大員督隊剿捕並酌調土職團丁隨同進剿迭獲勝仗丁洪濟遁退魚洞嶺老巢官軍隨蹤追剿當將水頭山魚洞坡兩處賊巢先後攻破追至百石崖地方拿獲匪首丁洪濟吳管事並獲谷老四父子餘匪越崖狂竄參將蘇倫元督軍搜捕剿撫兼施該匪敗逃復糾合各匪獠夷竄踞東山餘匪復熾現經署提督蔡標續派各營將領馳赴會剿兵勇四集不難剋期蕩平卽著王文韶等飭令派出各員弁迅圖撲滅務絕根株川滇接壤之區著蔡標劉秉璋督飭防軍嚴守要隘並分飭沿邊各土司隨時約束夷人以杜勾結餘著照所議辦理該部知道○諭都察院奏清理京控案件以矜庶獄而免稽延一摺據稱該衙門京控呈詞分別奏案定期各省督撫並不認真稽核至限未結者亦不將承審職名開送推原

其故皆緣督撫不爲親提承審官互相袒庇率以懷疑誤控事出有因二語調停迴護又藉口於犯供狡展要證未齊遷延懸擱似此玩泄因循殊屬不成事體若不勒限整頓何以清積釐而雪民冤著各直省將軍督撫等遵照該衙門所奏統於文到之日予限半年將積年未結各案分別查銷如逾限不消卽著照例參處其十九年四月以後奏咨各案仍照原章依限清結不得再有遲延積壓用副刑廷珍恤庶獄至意○癸酉李鴻章奏查海軍章程每逾三年請旨特派大臣會同北洋大臣出海校閱一次自光緒十七年會校以後已屆三年特蒙簡派臣鴻章臣定安認真會校當將起程日期先後各奏明在案臣鴻章卽於四月初三日率同北洋前敵營務處山東登萊青道劉含芳前任津海關道劉汝翼直隸候補道龔照瑛等自津起程是日馳赴小站初五日至大沽初六日出海初七日至旅順臣定安已於先一日至旅十一日至大連灣十五日至威海衛十九日至膠州澳二十日至煙臺是晚臣定安渡海赴營口由陸路還秦天臣鴻章於二十一日至山海關二十三日由鐵路還天津往返二十一日均值天氣晴明得以逐細履勘期竣事所有各處校閱情形應分別詳悉擬陳北洋海軍提臣丁汝昌先期調集所部定遠鎮遠濟遠致遠靖遠經遠來遠超勇揚威九艦及記名總兵余雄飛所帶廣東之甲乙丙三船記名提督袁九皋總兵徐卬隆分帶南洋之南琛南瑞鎮濟寶泰保民開濟大船在大沽口會齊隨同放洋並派

威遠康濟敏捷各練船先赴旅順口守候北洋各艦及廣東三船沿途行駛操演船陣整齊變化雁行魚
貫操縱自如十三夜在大連灣以魚雷六艇試演襲擊陣法攻守多方備極奇奧十四日定鎮濟致靖經
來七艦乙丙兩船在青泥灘演放魚雷均能命中破的午後南北各船駛至三山島次第打靶於駛行之
際擊遠之靶較連中多經遠一船發十六發中至十五廣東三船中靶亦在七成以上十七日在威海
衛調集北洋兵艦小隊登岸操演陸路鎗礮陣法靈變純熟快利無前各艦洋操實無其匹並調集南北
各船各挑水軍鎗隊二十名打靶每名三出均能全中旋於鐵碼頭甯橋試演魚雷燭熟有準並令威遠
敏捷廣甲三船操演風帆均能靈速夜間合操水師全軍萬礮并發起止如一英法俄日本各國均以兵
船來觀稱爲節制精嚴連日飭派記名海關道羅豐祿潘志俊存記道張士珩等分考旅順口之魚雷礮
駛學堂管輪學堂水雷營學堂大連灣之水雷營威海衛綏軍之鎗礮學堂及南北水雷營學堂劉公
島之水師學堂山海關之武備公所及水雷營發策考問條對詳明面試技藝並臻精密足備水陸將弁
之選此校閱海軍操陣演雷打靶及考驗各學堂之情形也沿海陸路各防營臣等公同校閱四川提臣
宋慶所部毅軍八營夕駐旅順訓練燭熟鎗法步武最爲嚴整實夏鎮總兵楊汝貴盛字馬步等營河北
鎮總兵劉盛休銘字十營記名簡放道戴宗鑾綏軍八營記名提督張仕林總兵張光前親慶軍六營

記名總兵張文富護軍兩營兼習英德操法均能一律精練直隸提臣葉志超所部正定練軍五營馬隊兩營能以綠營抽調之兵熟精泰西操陣之法著大沽協副將羅榮光協標六營親軍礮隊操練亦頗精純鉅軍級礮軍慶軍類年工作兼顧操防勤苦有加實爲難得綜計各軍鎗隊打靶多中至九成六七分以上此校閱海口礮臺各防營陸操之情形也至沿海各處臺礮庫工程旅順辦防最早南北兩岸臺壘及大石船塢各工疊經先後奏陳在案道員翼照現於船塢口門內鑲砌石幫斜砌石撐滿砌石底以防滲漏於口門外添製大鐵船門以備輪流啟閉不誤油修於礮旁添建吸水廠大鐵房一座用大石塞門德土砌五丈深六丈方水池一區涵洞五十餘丈蓋船塢爲北洋最鉅之工關係緊要必須妥籌善後俾資經久又建錫鍋廠合攔鍋爐廠大鐵房各一座舢板廠大鐵房一座船械局庫一所以備各艦更換鍋爐製造舢板領換器械之用改造瑛珠礮頭山礮臺各一座自西岸海口後營起至城頭山礮臺前面計十里沿築長牆一道又於西岸老虎尾東岸白玉山各建鐵礮頭一座大連灣威海衛兩處新造臺壘於十七年大閱案內業經奏明現購到後門長礮均已扼要分配齊備總兵劉盛休於大連灣之老龍頭與黃山接連之處添築長大牆一道計八百餘丈黃山礮臺添設礮八卦牆兩座運子石牆兩道老龍頭和尚島分設子藥庫兩座柳樹屯添造水雷營一座道員戴宗壽於威海衛南北岸原設六

礮臺外又於柏頂九峯頂楊峯嶺謝家所四處添建新式陸路臺各一座於仙梯嶺馬蹄嶺分建子彈總庫火藥總庫各一座添修拐角快礮臺田鷄礮臺共三座南北兩岸各建水雷營一座自衛城至上莊開通山道九十里修木石橋一百座西接煙臺嵩武軍所修橋道總兵張文宣於劉公島南嘴添築礮臺一座又於島中山溝建總藥庫一座山頂築護牆一道共長十里又築南嘴土牆一道島西接連之黃島添設地阱礮臺一座臣等於十七日至黃島次日至日島試放地阱大礮於隔海數里外置靶一擊而中瞬思升降靈準非常此係旅威大三處十七年以後接辦各工臣等周歷履勘工程並極精堅布置更臻完善至膠州澳口原擬於北岸之青島坦島團島各設礮臺一座臣等逐處察勘登州鎮總兵章高元承辦各臺基址已具初擬妥設礮位處所尙得形勝惟團島適當海口來路一臺尙嫌單薄擬於島左添築礮臺一座分置二十四生特長鋼礮三尊十二生特長快礮兩尊均用新式磨盤架四面環擊道員與照環又於青島前建設大鐵礮頭一座現擬於建鐵礮頭後建造水雷營緊扼口門章高元原帶僅止廣武兩營前經山東撫臣福潤奏調嵩武兩營歸其節制調遣當飭該鎮督率四營將弁認真合力工作以期早日告成至煙臺海口原擬於歸岱玉帶兩山分建礮臺惟玉帶山形勢過露易爲敵乘改於通伸崗建礮臺下建臺一座漢中鎮總兵孫金彪統帶原駐海防之嵩武四營承辦兩臺現已竣工並於中營東面臨

海加修長牆一道於後營就通伸箇舊壘接修護牆一道於響水灣通伸箇兩處各建藥彈庫一座歸營山下建石碼頭一座山頂建設學堂一所自煙臺至上莊開通山路九十里中修木石橋五十三座東接綏軍所修橋道臣等察看所修礮臺純仿西式曲折通靈與威大兩處臺工一律堅固西國官兵嘗稱中國將領近年於西洋工作研究愈精所作臺壘帆有後起爭勝之意英國水師提督福勒曼德爾來看大連灣各處礮臺訝其工堅費省謂非藉資兵力斷不及此此外各局廠製造西洋鎗礮藥彈水雷均能力求精進不憚繁難儲備各項戰守器具足敷操演之用此察勘各處臺壘隔庫等工之情形也臣鴻章於山海關校閱畢後乘坐火車由新造鐵路回津六百餘里半日而達極爲便捷沿途閱視所作橋軌工程均極堅穩每里工價較之西國猶爲節省自濰州古冶以東皆歸官辦接至山海關二百餘里中多石山大澗較古冶以西商辦之路工作倍難中隔灤河一道建設大鐵橋一座長至二百二十丈工費最爲艱鉅此順道察閱鐵路之情形也竊查十二年 醇賢親王巡閱北洋擬奏疏內預籌各口辦防形勢謀慮至爲周詳而尤醇醇於添置船艇慎固陸防推廣學堂三端實爲不刊之論西洋各國以舟師縱橫海上船式日異月新臣鴻章此次在煙臺大連灣親詣英法俄各鐵艦詳加察看規制均極精堅而英尤勝卽日本蘆爾小邦亦能節省經費歲添巨艦中國自十四年北洋海軍開辦以後迄今未添一船僅能就

現有大小二十餘艘加訓練竊慮後難爲繼至先後添置魚雷艇十三隻經道員劉含芳教練精熟以之守口尙足自防陸軍則自十二年後始議辦威大之防十七年後始議辦煙膠之防現威大逐漸經營已成重鎮煙膠兩處僅有八營分布兵力和單惟煙臺本是威海後路膠澳形勢緊曲但使臺礮得力扼要自守尙無須屯戍重兵兩處臺礮計日可成此後京師東面臨海北至遼瀋南至青齊二千餘里間一線聯絡形勢完固各口添設學堂不乏穎異之才惟水師各學生教成以後並無新添練船尙恐無從位置以上三事仰體 醇賢親王締造未竟之志頻年設法布置終以限於財力未能擴充 臣鴻章忝膺寄久領北洋任重責專時深悚懼惟有隨時與總理海軍衙門量力籌商固不敢以規模頓具偶涉疏虞尤不敢以餉力未充稍存諉謝自經此次校閱之後仍當督飭水陸各將領等勤求戰備奮勉工操以期仰副 聖主慎重海防之至意各員弁領年勤苦不無微勞應由 臣等查明按照奏定章程擇尤分別保獎海軍衙門各總辦章京等仍照案由該衙門另行奏保以昭激勸 上諭李鴻章定安奏會同校閱海軍沿海陸軍並查勘各處臺礮等工事竣一摺本年海軍會校之期現經李鴻章會同定安周歷旅順等處調集南北洋輪船會齊合操並將水陸各營以次校閱技藝純熟行陣整齊各海口礮臺船塢等工亦一律堅固辦理漸著成效李鴻章督率有方著交部議敘各將領訓練士卒修建臺礮不無微勞足錄

著准其擇尤保奏餘著照所議辦理該衙門知道○甲戌諭前經通諭各直省將軍督撫提鎮等將所奉硃筆呈繳等因接奉前旨自應迅速辦理乃迄今多日未見覆奏卽如直隸係最近省分尙未呈繳著再傳諭各該將軍督撫提鎮等卽將何日接奉前旨及現辦呈繳之處先行覆奏一面迅將從前遺漏未繳之件趕緊備文咨由軍機處呈繳嗣後所奉硃批等件隨時咨繳毋得稍涉遲延○乙亥諭張煦奏解審發回斬犯中途脫逃請將簽差護解不慎之州縣交部議處一摺山西永寧州斬犯李育之由省審勘發回監禁該簽差護解各官並不慎選安役小心防範致該犯中途脫逃實屬非常疏忽永寧州知州章士傑汾陽縣知縣李其滋均著先行交部議處仍勒限嚴緝逃犯李育之務獲究辦倘限滿無獲卽行從嚴參處餘著照所議辦理該部知道○丙子諭吏部奏上駟院貽誤應差馬匹遵旨嚴議處分各摺片上駟院署堂郎中員外郎世序著革職留任管理上駟院事務總管內務府大臣兵部左侍郎巴克坦布上駟院卿福森布增潤均著降一級留任不准抵銷員外郎慶瑜綏德均著革職留任以示懲儆○命鎮國將軍載津之第二子名溥儀○義大利國新簡駐華使臣巴爾迪抵任